


MAHEBERU, KAUHANYO

YABUKETALIZOHO NI YABUSILEZI ¹

 ...ya—ya Buka ya Maheberu. Mi kona lu ka kena ku yabu 7, kaza buprisita bwa Melekisedeke. Mi kona luka kena mwani, kuzwa kuza buprisita bwa Melekisedeke, kukena mwa mazazi amatuna ani a swalelo, ni ku kauhanya, ku aba kuswalelwa. Mi kona luka kena mwa kauhanyo yetuna ya tumelo yani, yona kauhanyo yabu 11; ni kauhanyo yabu 12, “Kubeya kwatuko bukiti kaufela.” Mi ni kauhanyo yabu 13, “Ona Munzi wa Kuyakuile wani o si ka yahiwa ka mazoho a mutu; kono ki Mulimu, anosi, ki yena ya yahile Munzi tuna woo.” Ha ki bunde ni boo!

² Ni tabile kubona kezeli luna kwa mulaho kwani, ya sa zo kena fela mwa sebelezo. Ni muboni ni muuna hae. Maabani, neli mwa musipili wa luna kuya kwani, mwa sibaka sakuli . . . Ne ni hupula kuli Ne ni ziba sibaka kaufela ni makozwana, ka kuba muzumi wa lifolofolo mwa Indiana moo, ni kupotoloha ka lilimo limo. Ne ni ziba sibaka kaufela. Kono Ne ni bata kulateha maabani, kwani kone ba inezi, fahalimwa manganandila, a nzila yenca.

³ Mi kalibe wateni nana ni kansa mwa maswafu, mi Mulena kokusina ku kakanya a folisa musali yani. Lwa shimba . . . Oh, ni mo litezi kaufela, ne luinzi fani. Muzwale Roberson, u teni mwahali mo, kacenu. Ni bona musala hae, ni Muzwale Wood, ya li mwahali. Mi neluli kwani mwa mota ya kale, Muzwale Roberson ni Na, ni Muzwale Wood. Mi lwa nga mota ye, lwa ya kwani, fahalimwa lilundu. Mi kwani Mulena abonisa kansa handende. Mi cwale lwa yema fani ni kuibona ha i siya musali yani. Mwa meto a luna luli, lwa yema ni kuitalima haizwa ku musali. Mi a biza hape musala Muzwale Wood; mi na sweli ku ni bulelela, na sweli kukwa mati amansu hahulu cwalo. Mi ki yo mo kakusasana cwana, uinezi kwa mulaho wa keleke, yena muuna hae ya lateha, bana ni nako yende ku Mulena. Kana Ha ki yomunde nji? [Kopano ili, “Amen.”—Mu.]

⁴ Mi Ne ni sa zibi kuli . . . Kwanu, hañata, kwa sicaba se si liteni, ha ki hañata lipono kuezahalanga kwanu. Le ki lapa la ka. Mi, Ni talusa kuli, mwa keleke.

⁵ La Sunda, biki yefitile, nelu . . . Ki ba kabai bene bali kwanu ku to bona muuna mwa sipula sa mawili? Wa sibofu, wa sihole, yana sa koni kuyema, ni musinga wa mwa toho inge usinyehile, mi ba Mayo ne ba mu palezwi. Mi—mi dokota yomuñwi wa Katolika mulikana ka amulumela kwanu. Mi ni si ka taha kale

kwa sebelezo, Mulena a ni fa pono ya muuna wateni. Mina kaufela mwa ziba cwalo. Mi teñi kwani muuna yani a foliswa, ka zakuli KISONA SA BULELA MULENA. Mwabona? Mi ki ha yema, azwela fande, a nanula sipula sa hae sa mawili, na bona sina mo mu bonela mina ni Na. Mi a zwela fande inge a zamaya ni kukasha sipula sa hae sa mawili, ka kuiketa hande. Ni musinga wa kukona kuyema. . . Mwa ziba, haukoni ku i tiisa kuyema, mwabona, haukoni fela. Mi ka lilimo-limo na inanga fela.

⁶ Mi maabani ha Ni fita kwanu, kalibe aba ni tolo ya ku ni bona ha ni kena mwahali, ka tuu kiloko fela, ni ku mu bulelela kuli “una ni kansa,” mi cwale, “KISONA SA BULELA MULENA, ‘ki ha foliswa.’” Mi—mi sa zuha, mi neli luli ka tuu kiloko. Mi Moya wa Mulena wa taha fafasi, mi kwani yona—yona tolo yana bile ni yona yani, ni Mulena afa toloko. Mi a foliswa ona kwani ka nako yeswana, ona fani inge a talimezi. Ha ki bunde!

⁷ Ha ni sa hupula libizo la hae. Ki sikamañi seo? Ki wena mañi libizo, kezeli? Walton, Kezeli Walton, uinezi kwa mulaho kwani. Aku yeme fela, Kezeli Walton? Ni bata ku kubuza mo u ikutwela. [Kezeli Walton uli, “Ki hande fela.”—Mu.] Amen. Zeo ki zende, bunde ni bukwala. Ki yomunde hahulu, ka ku lufuyola mwa buino bo bucwalo. Kacwalo lu kulubela zetuna hahulu, zeñata ñata, za kusuluha bwa butuna bwa Mulimu.

⁸ Dokota na mu patezi lika zeo. A mubulelela kuli “na sweli fela kubuyelela neku lililiñwi.” Mo ne kuinezi, kansa ne i melile ni kutibela moya wa kubuyela kwa neku la liswafu lani, mwa bona. Ha mu koni kubona kansa mwa x-ray, kakuli kansa ki selu, kasibili, mi ki—ki bupilo. Mi ha muka—muka—mu ka—muka—muka talimela fela mwa kansa, ka kuitusisa x-ray. Hamuna kuibona.

⁹ Mi, kono Mulena awa luli ubile. . . Ne luyemi fani inge lu buha, luna luli, ka meto a luna. Ku ibuha ha isweli kuzwa, mi lwa ibona ha izwa, ka meto a luna luli. Kacwalo, lu tumezi hahulu ka sani.

¹⁰ Mi cwale, mu lu lapelele cwale, sunda ye, ha lu ka be luile. Mi Muzwale Neville uka kaliseza fo ne Ni siyezi, kwa sebelezo ya la Bulalu busihu. Musike mwa palelwa kubateni cwale, mwahala muhala omutuna wa Buka ye ya Sinulo.

¹¹ Ni ziba kuli litapelo zeñata luli li filwe, mi lu—lu ziba kuli Mulimu u utwa litapelo. Kono luna, kakusasana cwana, lu bata kufa tapelo nyana lusika bala kale mwa Buka. Cwale, mutu kaufela ya kona, wa kona kubala Buka ye *cwana*, kamba wa kona ku iapula *cwana*. Kono si lwala Mulimu, anosi, ku kwalula kutwisiso, kakuli ki Yena fela anosi Ya kona ku eza zeo.

Kacwalo ha lu inamiseni litho za luna fa nako nyana.

¹² Cwale, Ndate, ka Libizo la Mwana Hao ya lateha, yena Mulena Jesu, lutaha cwale ka kuikokobeza hahulu ili luna, sina

batanga ba Hao, kuli U bulele ka luna. Kenya mwa mupato milomo ye ka bulela ni lizebe ze ka utwa, kuli Linzwi likone ku bulelwa ki Mulimu ni ku utwiwa ka Moya, mwa sicaba. Lumeleze cwalo, Ndate. Habe Yena yanga Linzwi la Mulimu ni ku li shaela ku luna ka mo lu tokwezi, kakuli lu li kupa ka Libizo la Hae ni kwa kanya ya Hae. Amen.

13 Cwale, ka kubala kakusasana cwana, lusweli kubala kuituta. Ha lu—ha lu kutazi; lusweli fela kubala ni kuituta Buka ya Maheberu. Ki ba bakai babasweli kuikola yona? Oh, luna ni nako yende! Mi cwale ka kubala fela ka tokomelo, Liñolo fahalimwa Liñolo. I lukela. . . Kaufela yona, Bibehe hamoho itamahani. Hakuna nihaiba Linzwi li liliñwi le li zwile mwa sibaka sa Lona, haiba Li beilwe hamoho ka Moya o Kenile.

14 Cwale, mutu u ize kuli, “Bibele ya ikananisa Yona iñi.” Ni bata ku bona zeo. Ni buzize, ka myaha ye mashumi amabeli ni yeketalizoho, mwahala zeo, mi hakuna ni yomukana ya ni bonisize zona haisali. Bibele ha i itwanisi. Haiba ku cwalo, kanti ha ki Bibele he. Jehova yomutuna, ya sa palelwi hakoni ku I kananisa Iliyena Kasibili, konakuli hakuna kukanana mwa Bibele. Ki ku sa utwisisa fela kwa sicaba.

15 Cwale ka kukalisa fela, kufitela lu kuta. Cwale, Buka ya Maheberu neiñozwi ki Muhalalehi Paulusi, kwa Maheberu. Na ñolezi leliñwi kwa Maefese, bani neli batu ba kwa Efese, ili Keleke ya Bakreste; yeñwi kwa Maroma mwa Rome; mi yeñwi kwa Magalata; ni yeñwi kwa Maheberu.

16 Cwale, lu lemuha kuli Paulusi, kakuba muluti wa Bibele, ka kukala. Sani kona se lu itutile. Kuli na hulela mwatasa muluti yomutuna, alimuñwi yomutuna hahulu wa mazazi a hae, Gamaliele. Ni na utwisisa hane za Testamente ya Kale. Na iziba hande. Kono a to ba munyandisi wa nzila yene bizwa kuli Nzila ya Kreste, kakuli na lutilwe mwa Testamente ya Kale mwatasa baluti. Kono haili baluti, hañata ka ngana ya butu. . . Ni sepa kuli ha Ni buleli nto isili ka mafosisa.

17 Kono, hañata, haiba mutu una ni fela tuto ni nzila fela ya likolo, hañata ki za ipangezi fela mutu. Mwabona, ha li si ka susumezwa, kakuli li ba fela tuto ya sikolo. Luna ni zona kacenu. Presbyterian, Lutheran, Pentekota, ona likolo ze kaufela lina ni lituto za bulapeli za zona, mi kipeto ba kenya fela Mañolo ku zona.

18 Mi neli zeswana mwa Testamente ya Kale. Kono, Paulusi, ka kuba ya lutilwe hande, ni ya ziba Mañolo hande ka linzwi. Kono, mwa bona, Mañolo, hakuna taba kamba u a ziba cwani, haiba Moya ha u a tisi kwa bupilo, kona kuli liñolo la bulaya. Moya u fa Bupilo. Mwabona, alukela ku tiswa kwa bupilo, kamba kuba a pila, ka Moya. Haiba nji Moya ha u pilisi Lizwi ni ku Li eza kuba la niti ku wena, konakuli kipeto litaku ki za ngana ya butu fela. Kona fo lubezi ni babañata hahulu baba ipapata kuliki

Bakreste kacenu, kamba baba ipulela kuba Bakreste, ki yona zibo ya kuikupulela fela yani ya Kreste.

¹⁹ Mi se lu pemhelwa fa kuli, “Kihande, nana ni kuutwa nto yeñwi; mi nemuna ni ku eza nto yeñwi.” Mi, oh, lu ka kena ku zeo, kasumulaho nyana. Yomuñwi na huwile. Ba Methodist ne ba huwanga, ba si ka ba kale ni ona. Ba Pentekota ne ba bulelanga ka malimi, ba si ka ba kale ni ona. Mi, oh, babañwi ba kubona, Bakunjanja, ne ba swalananga mwa mazoho. Eehe. Ba kale. . . Neba zamaya kafa ni kafa, baana kwa neku le, basali ku leliñwi. Mwabona? Bakunjanja. Mi Moya o Kenile wa taha ku bona ni ku ba nyunga. “Neba bile ni Ona.” Kono zeo kaufela ki zende fela. Hakuna ni yeñwi ya zona yeli Niti.

²⁰ Mulimu upila mwa Linzwi la Hae. “Tumelo itaha ka ku utwa, ku utwa Linzwi.” “Ka tumelo mu pilisizwe, ka sishemo.” Isiñi ka sika kaufela, kamba mwa njanja, kamba kubulela ka malimi, kamba kaufela se si nga sibaka. Seo hasina sa kueza ku sona, ni hanyinyani. Jesu naize, “Ya utwa Manzwi a Ka mi alumela ku Ya Ni lumile, una ni Bupilo Bobusafeli. Ya utwa Linzwi la Ka mi a lumela, u tisizwe kwa bupilo ku yena, una ni Bupilo Bobusafeli.” Ki zeo foo. Hakuna taba ka lika zenyinyani ze mueza.

²¹ Cwale, Ha ni lwanisi kunjanja, kamba kubulela ka malimi, kamba kunjanja, oh, ona—ona kuhuwa kaufela. Zeo ki zende. Zeo ki zende. Kono zeo ki likalulo fela. Mwabona? Ne ni ka mifa apule kuzwa kwa kota, kono niteni ne musike mwa ba ni kota. Mwabona? Mina. . . ki likalulo.

²² Kupuma, kuuzwa, kunwa, kuzuba, kulaula, kueza boozwa, zeo ha ki libi, zani ki likalulo fela za ku sa lumela. Mwabona? Zeo kona ze mu—mu. . . U eza zeo kakuli u muezalibi. Mwabona? Kono pili u muezalibi. Zeo kona ze ku eziza cwalo, kakuli ha u lumeli. Mi haiba wa lumela, kona kuli hauna kueza zeo. Konakuli una ni lilato, tabo, kozo, pilutelele, bunde, busepahali, buishuwi, tibeledo. Yeo kona miselo ya Moya o Kenile. Mwabona?

²³ Kacwalo luna ni lika ze nyinyani, maikuto amanyinyani, kakuli mutu yani uzwile ku za kale, u hatile mwa nzila ya Linzwi. Ki Linzwi. “Tumelo itaha ka ku utwa.”

²⁴ Kacwalo fani Paulusi. . . Mulimu na ketile Paulusi. Mutu a keta Matiasi. Mi hana. . . Ba wisa za kulaula kwa bona, kono yena hakuna sa na ezize. Sani sibonisa mufuta wa mata ao keleke neina ni ka nako yani, fa kuba ni keto, kwa kuketa madikoni ba yona, ni kuluma bakutazi ba ba bona kwa libaka zeshutana. Zeo ki za butu, linako zeñata.

²⁵ Mutu haaye ko Mulimu amu etelela. Na lata cwalo. Haiba sicaba mwa mukopano si ka bulela fela kuli, “Kihande, ki ye fa keleke yende. Muzwale yo uyahile keleke yende. Mi ki sibapaliso sesinde luli.” Ba ka mu lumela ku yona ye. Ha ba lemuhhi kuli basweli kuipulaya ilibona. Mwabona? Sibaka sapili, haiba muuna yani ukena mwateni, hakoni kuina mwa sibaka

sa muuna yani. Kona kuli ba ka fokolisa fela keleke, ili kulika kubonisa sishemo nyana kwa sibapaliso cwalo. Kamita ku bile ona cwalo.

²⁶ Kono Ni lumela mwa mata amatuna a puteho ya mwa sibaka. Eeni. Mutuhele keleke kaufela iikinele ku za yona, ikete balisana ba yona, madikoni ba yona, za yona, kaufela kamba ki likamañi. Mi he, ka nzila yeo, mutu yali mwahali mwani haana bishopu fahalimwa hae. Moya o Kenile ubata kubulela nto yeñwi kwa keleke yani, ha ba lukeli kubuza mutu haiba ba ka eza *se* kamba kueza *sani*. Ki mutu anosi ya tamahani ni Moya o Kenile. Mu ni bonise ka Bibeke nto yetuna, mwa Bibeke, yefita eluda yomuhulu wa keleke yamwa sibaka? Yeo ki niti, eeni, sha, buicemeli bwa keleke ya mwa sibaka, keleke ifi ni ifi kuyona inosi. Cwale, sizwale, zeo ki zende. Likeleke kaufela li lukela kuba mwa sizwale sina ona cwalo, hamoho. Kono kube ni buicemeli bwa keleke ya mwa sibaka!

²⁷ Mulemuhe Paulusi, ka kuba muluti yomutuna nduna wateni, ya lutilwe hande, mwa musipili wa hae kuya kwa Damaseka, zazi leliñwi, ku yo tama sicaba sene sili mwa Nzila yenca. Cwale, na li ya sepahala. Mulimu ha ku atuli ka busepahali bwa hao. Nali kuba ni bone batu ba basepahala hahulu kufita bahedeni. Buñata bwa bona mane ba bulayanga bana ba bona luli, mwa mbango, kuba—kuba sitabelo kwa kalimu. Ha ki busepahali. Mutu wakona kunga sifanu sa karboliki, ka busepahali, ka kunahana kuli na sweli kuamuhela nto yeñwi. Busepahali ha bu ku pilisi. “Kuna ni nzila ye bonahala kuluka ku mutu, kono mafelelezo a yona ki nzila ya lifu.”

Paulusi na li ya sepahala ha na bile paki ka meto a hae, mwa mata a hae luli, ku pwacaka macwe Setefani. Kasumulaho nyana mwa lilimo, Ni inga inge buinyazo bwa Paulusi, hana ize, “Ha ni swanelo ku bizwa mulutiwa kamba kubizwa muapositola, kakuli Ni nyandisize Keleke mane kuisa lifu.” Ni busepahali!

²⁸ Mi fa musipili wa hae inza shetumuka, a mangana ni kutwisiso. Moya o Kenile wa taha mwa Siita sa Mulilo se situna, mi Sa mu fofaza. Cwale, lu fitile kale ku zeo, kuli Siita sa Mulilo sani ne li Kreste. Mi ki Yena Siita sa Mulilo se si swana sene si zamaisize bana kukena mwa lihalaupa. Kreste nali Mulimu, mi Mulimu nali Kreste. Mulimu na ezizwe nama ni ku to pila mwa mubili wa Mulena Jesu. “Mulimu nali ku Kreste, inza kutasana lipilu za lifasi ku Yena,” kubonisa sa Na li sona.

²⁹ Mwa Bibeke kwa mulaho kwani, mwa litimana za kwa mulaho ze lubile lubala, kuizwe, “Na ikezize kuba Ya mwatasi nyana kufita Mangeloi. Anga sibupiwa, isiñi sa Mangeloi, kono anga sibupiwa sa nama.” Mangeloi ana si ka wa, ha tokwi kuliululwa ni hanyinyani. Nama ne iwile, libupiwa za batu, mi ne ba tokwa puluso. Kacwalo, mwa milao ya kale, mutu, fa kuba mu—mu mupulusi, sapili nana ni kuba wa mwa lubasi; buka

yetuna ya Ruti, lufitile ku yona mwahali mo, nako yeñwi ya kale. Mane kuli Mulimu, kakuba Moya, na ezizwe kuba wa lubasi hamoho ni luna, ka kuba alimuñwi wa luna, ili kuli alu puluse ni ku lufa Bupilo Bobusafeli. Na na ni kuba luna, kuli luna ka sishemo lukone kuba sina Yena.

³⁰ Mi lu fumana Siita sa Mulilo sene si zamaisize bana ba Isilaele. Mi ha ne Si ezizwe nama mwa lifasi mo, lu Mu utwa inza bulela zazi leliñwi, mi A bulela kuli Na li yena Siita sa Mulilo. Se bali, “U bulela kuli U yomotuna kufita ndata luna Abrahamama?”

³¹ Mi ali, “Make Abrahamama aiskaba kale, NITENI.” Nali mañi yena yali NITENI? Siita sa Mulilo mwa sicaca se situka, kupuzo ya kamita mwahala masika kaufela; isiñi fela mwa lusika lwani, kono lusika lo, ki Siita sa Mulilo se si swana. Mi lwa itumela kakusasana cwana kuli mane lu na ni siswaniso sa Sona, kuli Ha si ka cinca. Yena ki Yasashwi, wa Kuyakuile, Ya Fuyozwi. U eza lika zeswana cwale zona sa Na ezize linako zani, ni tabo ye si lu utwisa.

³² Kono kale Paulusi a si ka amuhela kale kutwisiso ye. . . Ka kuziba kuli Lingeloi la Mulena neli Siita sa Mulilo, yeneli yena Kreste, ki. . .Hande, Na li yena Lingeloi la Bupilo, ili yena Kreste. Mushe na hupuzi hande, kuli, akeitela kunyanda maswabi ni sicaba sa Kreste, mi isi kuli a zamaiswe ki Kreste, kufita bufumu kaufela bwa Egepita. A latelela Kreste, ya nali mwa mufuta wa Siita sa Mulilo.

³³ Mi Kreste ali, “Ni zwile ku Mulimu,” ha Na li fa lifasi fa, “Ni kutela ku Mulimu.” Kasamulaho wa lifu la Hae, kupumbekwa, zuho, mubili o filwe kanya ayoina kwa lizoho la bulyo la Bulena, ku yo lukupela kwateni; Paulusi na Mu boni sina Siita sa Mulilo, hape: ili Liseli lene li timile meto a hae, bukaufi; mane amueza sibofu.

³⁴ Pitrosi na Mu boni ha taha mwa tolongo sina Liseli, mi a kwalula likwalo fapila hae ni kuzwela fande. Lu fumana kuli Nali yena Alfa ni Omega, ali wa Pili ni wa Mafelelezo.

³⁵ Mi mwahali mo Una ni luna, kacenu, inza eza ona lika luli za Na eza linako zani, unza iponahaza Iliyena ku luna, inza li bonisa kwa lifasi la sayansi.

³⁶ Oh, mwa hola yetuna ye ya lififi ni butata mwa lifasi, lu lukela kuba sicaba se si tabile hahulu mwa lifasi kaufela, kuli lutabe, kuli luzibe. Ka nako kaufela, kakuli ha ba lutilwe lituto za bulapeli, ni mifuta kaufela ya tutengo kaufela ni lika za lifasi, mi niteni, kacenu, wa niti, Mulimu yapila, ka Linzwi la Hae ni ka bupaki bwa Hae bo bu iponahalize, li bonisa kuli Una ni luna mo, inza beleka, kuzamaya, kupila, inza eza ona cwalo fela sina mwabile Aezezanga kamita. Ha ki sicaba kwa lithonolo ni seo luli sona, ka kuba ni se! Lu swanela kuli. . .Bibele ibulezi kuli, cwale, mwa kauhanyo ya 2, “Lu swanela ku kumalela lika ze.

Kakuli, lu ka banduka cwani haiba lu keshebisa kupiliswa ko ku cwana?”

³⁷ Cwale, lu ti lo fumana kuli, kale Paulusi asika amuhela kutwisiso yani . . . Cwale, lusweli kunwelisa. Cwale, hakuna taba kamba ki kutwisiso mañi yo mu nani, keleke, Ni bata ku mi buza nto yeñwi. Hakuna taba kamba si bonahala cwani bunde, kamba libonahala cwani kuba za niti, pili lina ni kutatubiwa ka Bibebe. Kamita ilukela kuba ka Linzwi! Musike mwa be musiya Sani, ka mukwa wa kutwisiso yecwani kaufela.

³⁸ Mi Paulusi, asika i amuhela kale, aya pili kwa Arabia, mi teñi ayoina lilimo zetalu, inza tatuba kutwisiso ye ka Linzwi. Mi hana ilo kuta, na ikolwisisa luli. Hakuna sene si kona ku munyemisa, kakuli na tiile luli fa Linzwi, a sa zikinyehi. Mi fa kona fa sikuluhela cwale kubonisa Maheberu bani, lika zetuna zani ze ne bulezwi, za Testamente ya Kale, ne li bonahalile ku Jesu Kreste. Ha ki kanya ni yeo!

³⁹ Cwale, biki ye yefelile la Sunda, kamba la Bulalu biki yefelile, Muzwale Neville mwahali mo, mwa kauhanyo ya 5, na fitile fa libaka ze pahami luli, kakuli ki kauhanyo yende hakalo. Mi lu mu fumani inza talimana ni kauhanyo ya, la Sunda, ka za *Sabata*, kubuluka kwa Sabata. Kana ki cona, kakusasana wo, kikuli mwa ziba seo kubuluka Sabata sili sona? Haiba mwa ziba, muli, “Amen.” [Kopano ili, “Amen.”—Mu.]

⁴⁰ *Sabata* ki “Pumulo” kuli lukene mwateni, isiñi ka lizazi, isiñi ka mulao, kono ka kukena ku Kreste yali yena Sabata ya luna. Ki yena Sabata ya luna. Lu fitile ku yona mwa Testamente ya Kale kaufela, ni kubonisa kuli nako ika taha fo Linzwi ha li ka taha “mubamba fahalimwa mubamba, mulao fahalimwa mulao.” Mi U pakile kuli ne lu keni mwa Pumulo ya Hae ka Lizazi la Pentekota, “Kakuli se si ka katulusa baba katezi kwa pumulo, kutuhela.”

⁴¹ Lu fumana cwana, kuli, “Mulimu na tomile lizazi ku Davida, ka lizazi la bu sebene.” Mi, “Mulimu na pumuzi ka la bu sebene.” A lifa kwa—kwa bana ba Isilaele mwa lihalaupa. “Mi hape, U tomile lizazi leliñwi.” Ne li lizazi mañi? Ki lizazi la mwahala sunda nji? “Ki lizazi le mu utwaLinzwi la Hae, musike mwa itatafaza lipilu.” Lani kona lizazi La kena ku lona, kuli amife kozo ya Kuyakuile, ili Sabata ya Kuyakuile.

⁴² Ha mu yi kwa keleke la Sunda, kuli mube mube ba bulapeli, kanti. Ha u pepilwe ka Moya wa Mulimu, u kena mwa Pumulo kuyakuile, hakusana kubuluka sabata. U *mwa* Sabata, ka tudamo, kuyakuile, mi ili Kuyakuile. “Misebezi ya hao ya lifasi ifelile,” kubulela Bibebe, “mi u keni mwa kozo ye fuyozwi yee.”

⁴³ Likauhanyo za pili ze ketalizoho litoma hande Jesu kakuba Muprisita Yomutuna. “Mulimu mwa linako za kale ni ka mikwa ye shutana na bulezi kwa bashemi ka bapolofita, kono mwa

lizazi la mafelelezo le ka Mwana Hae, Jesu,” kauhanyo ya 1, timana ya 1.

⁴⁴ Mi cwale kushetumuka kuya kwa mafelelezo a kauhanyo ya 5, lu Mu fumana ubonahalile sina “Melekisedeke, yana sina makalelo a mazazi, asina mafelelezo a bupilo, kono ka tundamo ki Muprista wa kuyakuile.” Munahane ka zona. Muuna yomutuna yo neli mañi? Lu ka fita ku zona, mwendi mwa likauhanyo zepeli cwalo. Bupilo kakutala bwa Hae kaufela, lu ka balisisa. “Yena Muuna yomutuna yo yana katani Abrahamama, yana sina ndate ni yomukana, asina nihaiba mahe yomukana. Na sina nihaiba nako ye kana Ya kile akalisa bupilo, kamba mane Haana nako yeo Aka felelwa ki bupilo. Mi A katana Abrahamama hazwa kwa kubulaya malena.”

⁴⁵ Mulemuhe Mutu yomutuna yo, Yo kaufela nali Yena, u sa pila. Na si na mafelelezo a bupilo. Ne li Kreste, ya na katani. Lu kena cwale mwa butunki bwa tuto yeo, mwa mazazi fela a likani.

⁴⁶ Cwale, lu bata ku kalisa hape mwa kauhanyo ya 5 ye cwale, kuli ibe makalelo fela lu si ka fita fa—fa 6, kakuli ki ye tabisa hahulu. Mutalimele ka tokomelo. Lu ka kalisa ka timana yabu 7 ya kauhanyo ye. Kihande, ha lu kaleleni fa timana ya 6.

Hape ubulezi mwa sibaka si sili ali, Ki wena muprisita wa mwa linako ze sa feli ka mukwa wa Melekisedeke.

Ki yena mwa mazazi a nama ya ahe, ya tahisize . . . litapelo ni likupo ka muhuwo o mutuna ni . . . ka miyoko . . . ku yena ya na kona ku mu lamulela kwa lifu, mi a utwiwa kabakala bulapeli bwa hae;

Ni ha nali Mwana, u itutile . . . ku utwa ka ze butuku ze mu tahezi;

⁴⁷ Cwale ki fa fo Ni bata kufita, timana yabu 9 ye. Muteeleze. Ni sepa Muzwale Neville na fitile fateni, la Bulalu. Ne ni siyo kwanu. Kihande, hamu teeleeze.

Cwale ha ezizwe ya petehile, ufetuhile muña busebezi wa kupilisa ko ku sa feli baba mu utwa kamukana;

Mulimu u mu bulezi ali ki yena muprisita yomutuna ka mukwa wa Melekisedeke.

Ka yena ne lu ka bulela zeñata, . . .

⁴⁸ Lu isiyeleni ona fo, kakuli lu ka inanula hape ku Melekisedeke mwa masihu alikani.

⁴⁹ Cwale lu ka kalisa cwale, palo ya luna ya kamita. Na sepa . . . Ni ka bala fela ze siyezi za yona fa nako nyana, fa timana ya 11.

Ka yena ne lu ka bulela zeñata, . . . fahalimwa taba yeo kono ku li talusa kutata, kakuli mu fetuhile babana ni buzwa kwa kuutwa.

Kabesi cwalo . . . nako ye mu lukela kuba baluti, kanti mu sa tokwa ku lutwa hape matatekelo a litaba za

Mulimu; mane mu fetuhile ba batokwa mabisi, isi lico ze tiile.

Kakuli ya sa pila mabisi hakoni ku utwiseza lika za kuluka: kakuli u sa li mwanana.

Oh, Ni sepa kuli Moya o Kenile ungile seo ni ku si kenya mwatasi a mina cwale.

Kakuli ya sa—ya sa pila mabisi hakoni ku utwiseza lika za kuluka: kakuli u sali mwanana.

⁵⁰ Ha mu fa mbututu nama yetiile, mu ka ibulaya. Ki kabakaleo batu babañata ba bulela kuli, “Ah, Hani—Hani lumeli cwalo,” ni kuikela kusili. Usali mbututu! Fela haakoni kuutwisisa. Haakoni kubuluka Niti yeo. Ika—Ika mu bulaya. Lika zetuna, ze mata zeo keleke ilukela kuziba kacenu, kono mupalelwa ku Li luta. Ba—ba—ba—ba—ba sitatala ku Zona. Ha ba zibi za kueza ka Zona.

⁵¹ Paulusi, ka kuambola kwa sikwata sa Maheberu se . . . Ibo, ki baituti ba sweli ku ambola ku bona cwale, baituti, baba itutile hande. Lu fumana kuli, mwa linako zelikani—linako zelikani, baba itutile luli. Kono Kunutu yetungile ya moya, keleke isa na ni bubofu ku Zona. Na ize, “Ha mu lukela kuluta babañwi, u sa li mwanana.”

⁵² Oh, Ni ziba kuli kuna ni babañata baba nanuhile mi baba ka zwela fande ni kubulela kuli, “Oh, Ha ni tokwi kuya kwa keleke ni kamuta. Kulumbwe Mulimu, Moya o Kenile utile, Ki yena muluti.” Ha muba ni mulelo o cwalo, mwa fosa. Kakuli ki kabakalañi Moya o Kenile ha no beile baluti mwa keleke, haiba Na kaba yena muluti? Mwabona? Kuna ni pili ba apositola, bapolofita, baluti, babubeli, ni balisana. Moya o Kenile u tomile baluti mwa keleke, kacwalo Na kona kuluta ka yena muluti yani. Mi haiba—haiba ha ki kuya ka Linzwi, Mulimu ha sa li paki, kona kuli ha ki tuto ya mufuta omunde. Li swanela kutamahanya ni Biblele kaufela, mi la pila kacenu sina mo ne Li bezi nako yani. Yeo kona nti ya niti ye bonahalile.

⁵³ Cwale mulemuhe.

Kono lico ze tiile ki za baba . . . hulile, kabakala ku itwaelisa cwalo . . . ba bana ni kutwisiso ya kuketa zende ku zemaswe.

Kuziba ze lukile ni ze maswe, ka temuho.

⁵⁴ Cwale mulemuhe, lu kalise cwale mwa tuto yaluna. Ona makalelo ateni cwale, ha lu yeni fa timana ya 1.

Kabakaleo lu siye litaba za makalelo a tuto ya Kreste, . . .

Ki sikamañi sa bulela? Ona likauhanyo ze ketalizoho ze kaufela ne li beilwe ku Kreste, ku bonisa Yon ali Yena. Lu tuhela litaba za makalelo a tuto ya Kreste.

55 Lu Mu fumana kuli ki sikamañi sali sona? Lu Mu fumana kuba Jehova Yomutuna Mulimu ya ezizwe mwa nama. Lu Mu fumani kuba—kuba isiñi mupolofita, kono ka mutalelela wa Bumulimu ka mubili. Na li Jehova ya ezizwe nama. Mi mubili, Jesu, na pila fela ku Yena. Mulimu na pila ku mutu. Mulimu ka ku kutisana lipilu ni mutu, ka mutu, ka kupepwa kwa mwalyanjo kwa Mwana Hae Tota. Mi Jehova, wa Moya, na pila ku Yena.

56 Cwale, ki ba bakai baba hupula tuto ka za toho ya Bumulimu, mo ne lukutezi mwa mulaho ni kufumana Mulimu sina nambwamutalati omutuna ni Mioya ye shutana kaufela, mo ne I inezi? Mi lumonyi lwa Logos lwa zwa ku Mulimu, le li toba mubili wa bungeloi, mi sani ne sili mwa mufuta wa mutu. Mi Mushe na Si boni ha si fita, mwa lihaha la licwe. Mi kipeto mubili wa bungeloi wani wa eziwa mwa mubili wa butu, Kreste.

Ni mo lu fumanezi cwalo, ka sishemo sa Hae, luna ni Bupilo Bobusafeli. Cwale, linzwi la kuli *kamita* ki kuli “fa musipili nyana; ka sibaka se si tomilwe sa nako.” Ku izwe, mwa Bibebe, “*Kamita ni mita*,” ki kukopanya. Kono *kamita* italusa fela kuli “nako yetomilwe.” Kono Kuyakuile kutalusa kamita. Mi ki lika kaufela ze na ni makalelo kona ze nani mafelelezo, kono lika ze sina makalelo halina mafelelezo. Kacwalo Mulimu na si na makalelo mi Haana mafelelezo.

57 Mi kacwalo, kabakaleo, Melekisedeke, yena Muprisita yomutuna, sina mutu, Na sina makalelo mi Haana mafelelezo. Mi cwale luna, ka mubili wa bungeloi wani, kuli, ne lu bupilwe mwa siswaniso sa Mulimu mane lifasi li si ka eziwa kale; mi mubili wa bungeloi wani ha u mano eziwa mwa nama ni kuyaha mwahala luna, mi, ka lifu la Hae, luna kasibili lu amuhezi Moya wa Hae mi haluna mafelelezo; Bupilo Bobusafeli; ha ki Mangeloi, kono ki baana ni basali. Oh, Na . . . Fokuñwi, haiba Ne ni ka ba fela ni zona ka nzila yani mwahala—mwahala sicaba sa ka ne ni ka si lemuha! Hauna kuna Lingeloi. Mulimu na ezize Mangeloi, kono Mulimu ubupile mutu. Mi sa eza Mulimu si zwa ku Mulimu, ili a Kuyakuile sina Mulimu mwa inezi. Mi mutu ni yena ki wa Kuyakuile sina Mubupi wa hae, kakuli na bupilwe ku za Kuyakuile.

58 Kono sibi sina ni mafelelezo, manyando ana ni mafelelezo. Kabakaleo, ha ku koni kuba ni lihele la Kuyakuile. Kuna ni lihele, mulilo ni sulufura, lwa ziba cwalo, kono hakuna lihele ka Kuyakuile. Kuna ni fela mufuta ulimuñwi wa Bupilo Bobusafeli mi bwani ki bwa Mulimu. Haiba una ni kunyanda kuya kamita, una ni Bupilo Bobusafeli. Lihele lina ni mafelelezo, ikona kuba lilimo ze likana ma bilioni, kono li ka to fita kwa mafelelezo.

59 Bibebe ha i buleli, kai ni kai kaufela, kuli ne ba nyandile Kuyakuile, ili, “Ka mita ni mita.” Jonasi na hupula kuli nali mwa mba ya tapi “kamita,” niyena. *Kamita* ina ni sibaka kamba nako ye tomilwe. Kono *Kuyakuile* ki kuzwelapili, habuna

makalelo kamba mafelelezo. Kuswana sina lisale, le li potolohile kueza sikwenda. Mi nako hainze i cibilika cwalo, lu sweli fela kupotoloha kukuta kutela mwa milelo yemituna ya Mulimu.

⁶⁰ Mulimu mulelo wa hae neli kueza mutu mwa siswaniso sa Hae, kuli a Mu lapele. Mi A mueza kuba sika se si kona kuswaliwa. Cwale, sibi ne si lukenyize mwa sibaka sa—sa—sa kubola, kono seo ha si palelisi tukiso ya Mulimu. Mi, muezalibi mulikani, kacenu, haiba ha u si ka pepwa sinca ka Moya wa Mulimu, una ni mafelelezo kokuñwi. Mi mafelelezo a hao ki butata, mwa sinyeho, ni manyando ni bumai. Kono ku wena ya lumezi ku Mulena Jesu, ni ku amuhela Mupulusi wa hao ya swana, sina ka Kuyakuile fela ni Mulimu mwabezi wa Kuyakuile. Ha una mafelelezo, “Ni ba fa *Zoe* ya Kuyakuile, Bupilo bwa Mulimu kasibili, mi habana ku shwa kamba kutaha kwa katulo mane, kono ba zwile kwa lifu kukena mwa Bupilo.” Sani kona sa Na li sona. Sani kona sa Na tezi.

⁶¹ Cwale, Jesu, mwa kutaha kwa Hae, kwa buprisita bwa Hae, na si ka tela fela libaka la makeke. Batu babañata ba li luta ona cwalo, kuli Na tezi, ku to bulela kuli, “Kihande, mwendi ha Ni ka nyanda, Ni kaba ya—ya—ya bonahalisa makeke mi sicaba kaniti si ka taha ku Na.” Ao ki mafosisa. Hakuna Mañolo a zeo.

Kakuli, mutu kaufela ya ka piliswa, Mulimu na mu zibile kale lifasi li si ka bupiwa kale. Bibele i bulezo ona cwalo. Mulimu ha lati kuli, cwale, nihaiba yomukana a shwe. U bata kuli kaufela bona ba tahe kwa kubaka. Kono, ka kuba Mulimu, ka kuziba kwapili Na li zibile.

⁶² Mutalimele mwa Maroma, kauhanyo ya 8. Paulusi na swalelezi kwani, inza bulela ka za kuketa kwa Mulimu, kuli, “Esau ni Jakobo, mane kusika pepwa ni mwana ufi mwahala bona, kamba sika kaufela, Mulimu na bulezi kuli Na ba zibile mi Atoya Esau kono alata Jakobo,” mane ba si kaba kale—kale ni kolo ya kubonisa buitumelo bwa bona, kakuli Na li Mulimu. Wa ziba . . . Yena haana fa felela. Haiba Haana fa felela, Na zibile mununu kaufela, nzinzi kaufela, munañi kaufela, sika kaufela ku ze ne kaba mwa lifasi, Na li zibile. Yena haana fa felela, Kuyakuile, ya sa shwi, Mulimu ya fuyozwi, yana ni mata, ya fumaneha kai ni kai, ya ziba lika kaufela. Hakuna sika sa Sa zibi. Leo kona libaka Hakona kubulela mafelelezo mwa ka yo bela. Na zibile mafelelezo kuzwa kwa makalelo.

⁶³ Se sili sa bupolofita ki zibo ya Hae. Ki yena muyemeli yomutuna. Ki—Ki yena—Ki yena Muatuli. Mi Yena ubulela fela ku—ku muyemeli wa zibo ya Hae. Mi seo kona sipolofita mo siinezi, sa kona kubulela lika ze sa taha, kakuli Wa ziba ze ka ezahala. Cwale, yani ki yena Mulimu yo lu sebeleza. Isiñi mulimu wa litaba za kale, haswani sina ma Buddhist ni ba Mohammedan, ni zeñwi cwalo. Kono, Mulimu ya mata kaufela, ona fa cwale, kakusasana cwana, mwa tabernakele mo ona cwale fa; Jehova

Yomutuna, NITENI, ya Na ipupile Iliyena mwa kuishuwa, kuli a apale sibupeho sa nama ya sibi. Ki Yo fa. Yani ki Yena ya mi pulusize. Haku koni kuba usili, hakuna, hakuna nihaiba nako yekona kueza zeo.

⁶⁴ Mulimu nasina batu babalalu kwahalimu kwani, ni kuluma alimuñwi wa bona, Mwana Hae. Ne li Mulimu, Kasibili, ya na tile mwa sibupeho sa Mwana. Mwana una ni makalelo, mi Mwana nana ni makalelo. Kuli, babañwi ba mina sicaba sesinde sa ba Katolika, Ni na ni buka ya mina, *Facts Of Our Faith*, ibulezi kuli, “Buino bwa Kuyakuile bwa mwana Mulimu.” Mu kona kubulela cwani linzwi leo? Muka li bulela cwani kuli li utwahale hande? Lu kona kuba cwani la Kuyakuile? Yeo ha ki Bibebe. Yeo kona buka ya mina, “bwana bwa Kuyakuile.” Ha bana . . . Linzwi leo ha li si ka luka. Kakuli, sika kaufela se si bizwa mwana si na ni makalelo, mi Kuyakuile hakuna makalelo, konakuli ha ki mwana wa Kuyakuile. Krete na bile nama mi a to pila mwahala luna. Nana ni makalelo. Nekusina bwana bwa Kuyakuile. Ki Bumulimu bwa Kuyakuile, isiñi bwana. Cwale, Na tezi ku to lu pulusa, mi luli Na lu pulusize.

⁶⁵ Cwale, Paulusi, ka kufita kwani, zeo Ni ziba hande kuli mwahala lituto zefelile mu li utwisisize. Lu ka fita ku zona hape, linako zeñwi, Mulena ha lata, ibe fela timana ka timana. Cwale.

Kabakaleo halu . . . siye litaba—litaba za makalelo a tuto ya Krete, ha lu fiteleni ku za kupetahala; . . .

⁶⁶ Seo sa ba sitatalisa. Nji cwani? Ha lu ezeni sikamañi?

. . . ha lu fiteleni ku za kupetahala; lusike lwa toma hape mutomo . . .

⁶⁷ Mutalimele se. Ha lu ngeni linzwi le “kupetahala.” Kana mwa ziba kuli kuna ni fela nzila iliñwi yemuka yema ka yona fapila Kubateni kwa Mulimu? Yani ki ka, kupetahala. Mulimu hakoni ku lumeleza lika ze si ka kena.

⁶⁸ Mi mina ba milao: mukona kuba cwani baba petehile ka mina bañi, ha musina sika se si mi petahalisa? Ne mu pepezwi mwa sibi. Kuitwala kwa mina luli neli ka sibi. Yona takazo ya mina luli ya kuba fa ne li ka sibi. “Kupepelwa mwa sibi, kubupiwa mwa bumaswe, lutile mwa lifasi inge lubulela buhata.” Cwale mu ka yema kai?

⁶⁹ Ki kai wena, muezalibi, ya—ya bulezi kuli, “Ni ka tuhela kuzuba. Ni ka ya kwa Lihalimu?” U kai, wena ya enya fela, ya sialezi wa matakanyani, yaipiza Mukreste, ya zamaya kwanu ni sifateho se sishengile ni kubulela, kuli, “Kihande, Ni wa siemba sa keleke?” Wena muezalibi tuwe. Yeo ki niti. Kwanda kuli u pepwe ka Moya wa Mulimu, u latehile. Yeo ki niti.

⁷⁰ U kaya cwani kwa Lihalimu? U li, “Na li kuba bulele buhata mwa bupilo bwaka.” “Oh, mulatiwa. Neli—neli fela Lingeloi, ka kukala.” Bo ki buhata. Hanina taba kamba u yomunde cwani;

u muezalibi. Mi hauna nto iliñwi; hakuna muprisita, hakuna bishopu, hakuna muika, hakuna pope, hakuna sika sifi kaufela se si kona ku kupilisa, kakuli ki mukolo fela o swana o muli ku ona. Lwa kena ku zona mwa mizuzu yelikani fela. Mwa buino bo bu swana fela. Na li . . . pope wa Rome ya pepilwe mwa sibi, ya bupilwe mwa bumaswe, u tile mwa lifasi inge ubulela buhata, ku pepwa ka takazo ya foso ya muuna ni musali. Uka zwisa kai kupetahala ku zani?

71 “Kihande, ndatahe ni mahe ne ba pepilwe ka mukwa o swana, mi na pepilwe ka mukwa o swana, mi kuku wa hae wa musali ni wa muuna ni kukuta kwa mulaho cwalo.” Ki sibi, ka kukala!

72 Cwale ki mañi yakona kubulela kuli *se* si kenile mi *sani* ha si si ka kena? Kuna ni fela sika silisiñwi se si kenile, yani ki Jesu Kreste, yena Mwana Mulimu yapila, Ya ezizwe ya Petahala. Mi ze tokwahala ku luna ki kupetahala. Cwale, lu kaba cwani zeo? Mulike cwalo, mina bañi. Ni toile kulika kuya kwa Lihalimu ka mayemo a kuli, “Ni pepilwe sinca mizuzu yeketalizoho yefitile, ni kuzwa mwa lifasi ona cwale fa.” Ne ni ka lateha. Haiba hani si kaba fateni ni mulelo o maswe mwa bupilo bwaka, haiba Nali kuba ni bulele linzwi lelimaswe mwa bupilo bwaka, haiba Nali kuba ni talimele sika se si maswe, nali kuba ni hupule se si maswe, kamba kutokwa, Ni ya nunka fela mi yomunsu inge busafa bwa mamota a lihele. Ni muezalibi.

73 Ne ni ka ina mwahala bupilo inge ni ikiyezi mwa sibaka, kueza inge babañwi ba likezeli za Carmelite kamba nto yeñwi, mi ni sike na bona fateni lifasi, ni inelele ona mwani ni kulapela bupilo bwaka kaufela, kueza zende, ni pepilwe nili wa ma milionni amañata ñata mi nifa kwa batu ba ba botana lika kaufela ze Ni luwile, mi Ni sali muezalibi ni ka ya kwa lihele. Eeni, sha.

74 Na kona ku ikopanya kwa keleke ya ba Lutheran, ya ba Baptist, ya ba Pentekota, ya ba Presbyterian, ha Ni li fa bulobalo bwa sicelo, ni kupila ka kusepahala kwa keleke yani kufitela lilimo ze mwanda, mi bupilo bwaka bu ngilwe, mi hakuna mutu ya na ka ni supa munwana ni kubulela kuli “A kile a ni bona kamba kuba ni muhupulo o maswe,” Ni ka ya kwa lihele ka niti fela sina mo Ni yemezi.

75 Ni muezalibi. Yeo ki niti. Hanina si ka. Hakuna mukwa, usili hape, Ne ni ka fumana teko—teko ifi kaufela ye lifiwa. Mulimu na batile lifu. Mi haiba Ni fa bupilo bwaka luli, haiba Ni fa bupilo bwaka luli, kona kuli Ni ka baka cwani? Kakuli, mina . . . Sikoloti sina ni kulifiwa, pili. Mi Mulimu neli yena fela Anosi ya na konile kulobaza bupilo bwa Hae fafasi ni ku Bu zusa hape. Kuli A kone kuba sibi, mi a lobaza Bupilo bwa Hae fafasi ni ku Bu zusa hape, ni ku bu biza kuli “kuluka,” mi sikoloti si lifilwe. Ki fo he cwale.

⁷⁶ Cwale ha lu apuleni mwa Mateu, mwendi mwa kauhanyo ya 8, Na lumela ki yona, 7 kamba kauhanyo ya 8. Lu ka bona sa bulela Jesu mwateni mo. Ku lukile. Ki Mateu, kauhanyo ya 5. Mi ki . . . Jesu, ya kutaza, ukutaza ka limbuyoti, timana ya 47.

Mi hamu itumelisa ni bana bahabo mina fela, mufita babañwi mwañi? hanili batelisi ki mo ba ezeza ni bona . . . ? (Mutokomele.)

Mi cwale mube baba petehile, . . . (Sikamañi?)

Mube baba petehile, sina Ndata mina ya kwa lihalimu hali ya petehile.

Yeo neli taelo ya Jesu, “Mube cwalo ni mina.”

⁷⁷ Ba li, “Hakuna mutu yakona ku petahala, Bibebe ibulezi kuli, ‘Hakuna mutu ya petehile.’ Ki zeo fo ze lwanisana za mina.” Nji cwani? Ku lukile.

⁷⁸ Ha ukoni kupetahala ka wena unosi. Haiba u sepa mwa lika zo ezize, u latehile. “Kacwalo mube baba petehile, mane ili kupetahala fela sina Mulimu halil ya petehile.” Cwale:

Mube baba petehile, sina Ndata mina ya kwa . . . lihalimu hali ya petehile.

⁷⁹ “Kabakaleo . . .” Cwale kauhanyo ya 5, kauhanyo ya 6 ya Maheberu.

Kabakaleo lu siye litaba za makalelo a tuto ya Kreste, lu fitele ku za kupetahala; . . .

⁸⁰ Cwale, mina, ba Branham Tabernacle. Oh, Na ziba, “Luna ni lifoliso.” Yeo ki niti. “Luna ni lipono.” Oh, zeo—zeo ki zende. Mi muna ni litolo za moya, mi fokuñwi ha ki litolo za moya. Mi—mi fokuñwi mina . . . “Luna, lu lika kutusa babotana. Lu eza ze lukona.” Oh, zeo li lukile, kono ha ki zona ze lubulela ka zona cwale. Lu kena mwa sibaka sisili.

. . . lu siye . . . tuto . . .

⁸¹ “Oh, eeni, luna ni tuto ya Kreste. Lu lumela kuli Na li Mwana Mulimu, u peilwe ki mwalyanjo. Lwa lumela cwalo, ka lika ze kaufela.” Zeo ki zende fela.

⁸² Kono, “Lu siye zeo, ha lu fiteleni ku za ku petahala.” Oh, mawi! Ni lakaza kuli kambe Ni nani linzwi la lingeloi lelituna cwale, kuli nitise taba ye mwa sibaka mo mu kona kuibona. Cwale u bulela kuli, “Lu siye tuto kaufela ya Kreste,” kaufela za—za lituto za bulapeli, mane ni kaufela za bulapeli ze lu ziba, kaufela za Bulimu bwa Kreste, ka Mwa na bezi Mulimu ya tahile mwa nama, lika zeñwi ze kaufela.

⁸³ Paulusi wa fiteleza ku li tatulula fa, mwa mizuzu fela yelikani. Ha lu ibaleni fela, fateni hanyinyani fela, lu si ka fita kale ku yona.

. . . lusike lwa toma hape mutomo wa kubaka kwa misebezi ye shwile . . .

Cwale, lwa lumela zeo.

. . . *ni wa tumelo ku Mulimu,*

Lwa lumela zeo.

Ni wa *tuto ya likolobezo,* . . .

Mo mu swanela fela ku kolobezwa, lwa lumela zeo.

. . . *ni wa kubeya mazoho,* . . .

Lwa lumela mwa kubeya mazoho. Nji cwani? Mwabona, zeo kaufela, luli.

. . . *ni wa zuho ya bafu,* . . .

⁸⁴ Lwa lumela zeo. Cwale mutalime. Mwabona fa, “Katulo,” i tuisizwe kuli, “Kuyakuile.” Zeo ki kamita. Mi katulo ha i bulezwi ki Mulimu, ki kamita. Mi, haku konahali kuli kube kukutisana lipilu kasamulaho wa katulo ifela. Cwale mwakona ku utwisisa libaka Mulimu hana ngile Ba Hae—Ba Hae, mo ne lu ka libizeza, mulyani wa Hae Luli. Ha Na nyazize mutu ka kueza sibi, nzila fela ya Na ka kutisana lipilu ni bona, neli kunga sibaka sa mutu yena Kasibili. Yani kona nzila fela akona ku kutisana lipilu ka yona, kamba ku kutisana lipilu za luna, neli ka kunga sibaka sa luna ni kuba muezalibi. Mulimu, Jehova, atoba muezalibi, mi Afa bupilo bwa Hae.

⁸⁵ Cwale, wakona kufa bupilo bwa hao, ka kuba muezalibi, kuli ushwele musebezi. Paulusi naize, “Ni ha Ni kafa mubili wa ka kuba sitabelo sa kucisa, Ha ni sesiñwi,” kakuli halina ku sebeza. Mwabona, ha u shwa, u yongile. Ha u shwa uli muezalibi, u latehile.

⁸⁶ “Kono Mulimu a shetumuka mwa nama, mi a to atula sibi mwa nama, ka kueziwa mwa nama.” Kakuli, Na li yena Mulimu wa Kuyakuile, mi a zusa Mubili wa He, kacwalo Ki ya tisa kwa Kuluka.

⁸⁷ Cwale, lika ze kaufela, “Ha lu fiteleni ku za ku petahala,” kubulela Paulusi. Cwale ki sikamañi?

. . . *wa katulo ye ka yema kokusafeli.*

. . . *ki mo lu ka ezeza,* . . . *Mulimu halumela.* (Timana ya 3.)

⁸⁸ Cwale, “Lu fitele ku za kupetahala.” Jesu naize, “Mu be baba petehile kihona, sina Ndata mina yamwa Lihalimu ha li ya petehile.”

Mi luna, mañi ni mañi, lu nyazizwe. Hakuna taba kamba lueza sikamañi, lu nyazizwe. Ne lu pepilwe, baba nyazizwe. Bo maho ni bo ndatahe ne ba pepilwe, inge ba nyazizwe. Bahenu, bashemi ba mina bakale kaufela ne ba pepezwi mwa sibi, kubupiwa mwa bumaswe. Cwale muka fita cwani ku zeo? Mu ka ba cwani baba petehile? Haiba wali kuba ueze sika, wali kuba u uzwe, wali kuba u bulele buhata, hakuna so kile wa eza mwa bupilo bwa hao, u sa li ya nyazizwe. No nyazizwe mane u si ka

buyela kale bupilo bwa hao bwa makalelo. No nyazizwe. Yeo ki niti. Mi no atuzwi ki Mulimu mane u si ka buyela kale bupilo bwa hao bwa makalelo. Kakuli no atuzwi, ka takazo ya foso ya bondataho ni bomaho bao, kuya ka kezo ya bona, ba ku tisize mwa lifasi ka yona. Mi Mulimu a li nyaza, isali kwa simuluho. U nyazizwe, ka kukala. Kacwalo no li fela. . . Mi mutu ufi kaufela fa lifsi na nyazizwe hamoho ni wena. Cwale uka fumana kai kupetahala?

⁸⁹ Mutokomele. Ha lu apuleni mwa Maheberu, kauhanyo ya 10. Muteeleze ka tokomelo. Ni bata kubala hanyinyani kuzwa mwa kauhanyo ya 9, pili, ki timana ya 11.

Kono Kreste ka kutaha ku muprisita yomutuna wa lika zende ze sa taha, ka tabernakele yetuna mi ye petehile, tabernakele ya Hae Tota, nama ya Hae, . . .

⁹⁰ Mwabona, tabernakele ya kale. . . Kana mu lemuhile? Tabernakele ya kale neina ni lisila ku yona, lene li pata areka kone kupila Mulimu. Ki ba bakai baba ziba cwalo? Luli. Kihande, tabernakele ya kale ya opangezi mutu yani fa, masila a na ezizwe ka matalo a lipuli, ni zeñwi cwalo, ana ezizwe tabernakele ye ne pata Kubateni kwa Mulimu. Ki ba bakai baba ziba kuli neli fela muuna alimuñwi yana kenanga mwateni hañwi ka mwaha? [Kopano ili, “Amen.”—Mu.] Kanti. Yani neli Aruni, na kenanga hañwi ka mwaha. Mi ulukela kutoziwa. Mi—mi, oh, ki zona ze tokwahala! Mi ulikela kuba ni mulilo mwa lizoho la hae; mi haiba naile kusina sani, na shwile ona fa na zuselize kwate lisila. Na ka wa ni kushwa. Nana ni kukena ku yo tukisa likandela ze, ni kuhasaka sipula sa sishemo, ka mali a lifu, sa kuyolisa nesili cwalo, kufitela Kreste a taha ku to li taleleza.

⁹¹ Cwale, kono, Mulimu cwale a taha mwa mufuta omuñwi wa tabernakele. Mi tabernakele yani neili Mañi? Jesu. Mi Mulimu nali mwahali a ku Jesu, mi Na ipatile, kono Na kutisana lipilu ni lifasi ku Yena, ka mibulelelo ya Hae. Kreste na patuluzi Mulimu. Na ize, “Ha ki Na ya eza misebezi. Ki Ndate Ya pila ku Na. Na hakuna se ni eza ka Na ninosi kono konji se Ni bona Ndate a eza. Ndate ya li ku Na, ya Ni bonisa lipono zee, mi cwale Ni yo eza sa bulelela Ndate kuli Ni eze.” Mwa utwa nji? Mulimu nali mwa mubili wa mutu, isiñi mwa mulaho wa matalo a lipuli a suhehile, kono na pila, inza zamaya. Mulimu nana ni mazoho; Mulimu nana ni mahutu; Mulimu nana ni lulimi; Mulimu nana ni meeto; mi na li Kreste. Kiyani Nali fani.

⁹² Cwale, A ya kuikela kusili, mi Moya wa kena mwateni, kuli ka lifu la Hae Akone ku petahalisa Keleke ni kutisa Keleke mwatasa kuipeya. Mi hape Moya o swana onoli ku Kreste u inzi mwa Keleke, inza eza lika zeswana za na ezize Kreste. “Fa nako nyana lifasi halina ku Ni bona; kono mina mu ka Ni bona, kakuli

Ni kaba ni mina, mane mwahala mina, kuisa kwa mafelelezo a lifasi.”

93 Cwale muteeleze ku se.

Kono Kreste ka kuba muprisita wa lika zende ze sa taha, ka tabernakele yetuna ye petehile, ye si ka eziwa ka mazoho, ili kubulela kuli, isi muyaho woo;

Na si ka eziwa ka mazoho. Kana Na pepilwe cwani? Ka mwalyanjo.

Kamba ka mali a lipuli ni linamani, fo ne ku tahiselizwe mubili wo kamba ku keniswa, kono ka male a hae luli. . .

94 Mwa ziba kuli mali a zwanga ku muuna. Mi kipeto yomuñwi uli, “Oh, Jesu na li Mujuda.” Na si Mujuda. “Oh, lu piliswa ka mali a Sijuda.” Batili, ha lu cwalo. Haiba lu piliswa ka mali a Sijuda, lu sa latehile.

Jesu na si Mujuda, kamba kuli Abe Wamacaba. Na li Mulimu: Mulimu Ndate, Moya, yena Ya sa bonwi. “Hakuna mutu ya kile abona Mulimu ka nako ifi kaufela, kono konji wa libanda ya pepilwe ki Ndate ki yena ya Mu pakile.” Na bonahalize Mulimu, sa nali sona Mulimu.

95 Cwale Keleke ya Hae i swanela ku bonahaza Mulimu, kuli ibonise seo Mulimu ali sona. Mwabona?

Lu eza sikamañi? Lwa ikonga konga ili luna, mi, “Hanina sa kueza ni zona. Ki ba Methodist. Ki ba Presbyterian. Hani tabeli kueza sika ni zona. Ni wa Baptist. Ni Mupentekota.” Huh! U latehile, ni mifuta ya milelo ye cwalo yani. Luli.

96 Ki mañi yakona ku i kuhumusa? Ki mañi yakona kubulela sika? A mutalime fa maswabisa o ba tizise ba Presbyterian. A mutalime maswabisa ateni, aba Baptist. A mutalime fa maswabisa, aba Katolika. A mutalime maswabisa, aba Pentekota, aba Nazarene, aba Pilgrim Holiness. A mutalime babañwi kaufela baba siyezi.

Kono, Ni mi swabisa kuli musupe lizoho, mwa maswabisa, ku Sani. Eehe. Musepe munwana ulimumu, foo Mulimu Yamata hana bulezi kuli, “Yo ki Mwana Ka ya latwa ye Ni katelwa. Mu Mu utwe.” Ki Yani fani. Yani ki yena Ya petehile.

97 Cwale, ha lu baleni kuya fapata nyana cwale.

Mane ha ki ka mali a lipuli. . . linamani, konoka mali a hae luli ukeni hañwi mwa sibaka se sikenile, amano lufa kupiliswa ko ku safely ka luna. . . (Kana mwa utwa?) . . . kupiliswa ko ku safeli ka luna.

98 Ha ki ku piliswa kacenu, mi he, sunda yetaha ancafazo ha ika kalisa, lu piliswe hape, mi hape, oh, lwa wa ni kupiliswa hape. Ha mu piliswa hañwi, ki kuyakuile. Yeo ki niti. Hakuna kupiliswa, kupiliswa, kupiliswa. “Ki kupiliswa ko Kusafeli!”

“Ya utwa Manzwi a Ka mi alumela ku ya Ni lumile, una ni Bupilo Bobusafeli, mi haana kutaha mwa katulo, kono u zwile,” tensi yakale, “u zwile kwa lifu ukeni mwa Bupilo.” Kakuli u njanjile kana? Kakuli u kolobelizwe ka nzila yeñwi? Kakuli ubile ni mali mwa lizoho nji? “Kakuli u lumezi ku Mwana wa libanda wa Mulimu.” Cwalo kona mo lu fumanela kupiliswa Kokusafeli.

99 Amuteeleze cwale.

Kakuli . . . mali a lipoho ni lipuli, ni mufuse wa komu ya sitole o hasakiwa wa—wa . . . kuhasaka baba si ka kena, u kenisa kwa bumwaswe bwa nama:

Kana kucwani he ka mali a Kreste, yoo ka Moya o safeli aipa ili yena kusina litiba ku Mulimu, a lu kenisa kwa lizwalo la misebezi ye shwile ili kusebeleza Mulimu yapili?

100 “U zwile kwa lifu kukena mwa Bupilo.” Mu bilaela sikamañi ka seo lifasi li nahana? Mu bilaela sikamañi ka seo ba nahana bo muyaha mabapa? Lizwalo la luna li shwile, mi lu cincizwe ni kupepwa sinca ka Moya wa Mulimu, ku sebelezo Mulimu ya pila. Ki fo he cwale.

101 Cwale mu fite fa timana ya 10, kauhanyo ya 10, nitaluse, fabuse fela bwa likepe.

. . . mulao kakuli una ni muluti fela wa lika zende ze ne ka taha, isi mubili luli wa lika, haukoni kueza nihanyinyani kuli ba balapela ba fumane kupetahala ka matabelo a tahiswa ka mwaha ni mwaha kuli ba p-e-t-a-h-a-l-e.

K-u-p-e-t-a-h-a-l-a, ki leo foo, “Kupetahala.”

. . . lu siye lituto za makalelo a tuto ya Kreste, ha lu fiteleni ku za kupetahala; . . .

Mube ba bapetahile kihona, sina Ndata mina . . . ya mwa lihalimu hali ya petehile.

102 “Mulao kakuli ki muluti fela wa lika zende ze sa taha,” milao kaufela ya likolobezo ni ya . . . lika zeñwi kaufela ze ne banani, “ne li sa koni kupetahalisa mulapeli.” Mi, ibo, Mulimu utokwa “kupetahala.”

103 Mu ikopanyize kwa keleke ya Nazarene, haina ku mi petahalisa. Mu ikopanyize kwa keleke ya Baptist, Pentekota, seo kaufela sili sona, hasna ku mi petahalisa. Wena ka kuba yomunde, mutu ya ikutekile, halina ku ku petahalisa. Haukoni ku ikezeza sika. Hakuna sika ku wena, sa ku ikuhumuseza. U latehile. U li, “Kihande, Ni buluka mulao. Ni buluka sabata. Na buluka se, milao kaufela ya Mulimu. Ni eza se.”

104 Paulusi naize, “Ha lu beyeni kwatuko lika kaufela cwale.”

105 “Zeo kaufela ki zende, kono luka eza se. Lu ka kolobeza sicaba, mi lu ka beya mazoho kubona bakeñisa foliso ya bona ni zeñwi cwalo.”

106 Ne luka nga, timana ka timana, yeñwi ni yeñwi ya lika zani. Kolobezo, lwa lumela cwalo. “Kuna ni sepo iliñwi, Mulena ki alimuñwi, Tumelo ki iliñwi, Kolobezo ki iliñwi.” Lu lumela kuli kuna ni kolobezo. Lu lumela mwa zuho ya bafu. Kaniti. Lu lumela kuli Jesu na shwile ni kuzuha hape. Lwa lumela cwalo. “Kubeya mazoho, ku ba bakula,” seo kona se i bulezi. “Lisupo ze li ka ba latelela ba balumela. Ha ba ka beya mazoho a bona fa bakuli, bao ba ka foliswa.” Lwa lumela cwalo.

Kono ki sikamañi seo? Paulusi naize, “Kaufela zeo ki misebeza yeshwile.” Ki sika so eza.

107 “Cwale ha lu fiteleni ku za kupetahala.” Oh, mawi! Lu taha mwa Tabernakele, isiñi mutomo; ki Tabernakele, ki Tabernakele Yona luli. Wani kona mutomo: mulao, mi ni kuluka, ni—ni—ni—ni kuikopanya kwa keleke, ni ku kolobezwa, ni—ni kubeya mazoho. Zeo ki litaelo za keleke.

“Kono cwale ha lu fiteleni ku za ku petahala.” Mi kuna ni fela Alimuñwi ya petehile, yani ki Jesu.

108 Kana lukene cwani ku Yena? “Ka kukena kuba Methodist?” Batili. “Mapentekota?” Batili. “Baptist?” Batili. “Ka keleke ifi kaufela?” Batili. “Ki Roman Catholic nji?” Batili.

109 Kana lukene cwani Mwateni? Maroma 8:1.

Kifohe cwale hakusana katulo ku babali ku Kreste . . . baba sa zamayi ka lika za lifasi le, ka nama, kono ba ba zamaya ka Moya, baba sa izezi ngana kwa lika zeo lifasi lina ni kubulela.

110 Niha mu kula, dokota uli, “U ka shwa,” u si ke wa izeza ngana ku zeo, ha li ku katazi ni hanyinyani.

111 Haiba ba ku bulelela kuli, “U lukela kuba wa Katolika u si ka piliswa kale, kamba wa Presbyterian, kamba kuba ni kueza se,” usike wa izeza ngana ku zeo.

“Kabakaleo hakusana katulo ku ba bali ku Kreste Jesu, baba sa zamayi ka nama, ka lika ze ba bona.” Lika kaufela ze mubona ka meto a mina a lifasi.

112 Kono ki lika ze mu bona mwa moya wa mina, kuya ka Linzwi! Linzwi kona siiponi sa Mulimu mwa kutalimela mwateni se si bonahalisa Sa li sona ni seo muli sona. Haleluya! Oh, mawi! La mi bulelela. Ye kona fela Buka inosi mwa lifasi ye mi bulelela ko mu zwelezi, yo uli yena, ni ko uya. Mu ni bonise likepe kaufela la litaba bulapeli, kai ni kai, ka sayansi kaufela kamba sika sifi kaufela, buka yende kaufela yekile ya ñolwa fateni, hakuna ni yeñwi ya zona yekona ku mi bulelela cwalo. Se ki siiponi sa Mulimu mwa kutalimela, sani sibonisa seo Ali sona ni seo uli sona. Mi, mwahali mwani kuna ni bupilo bwa Mali, seo

sibonisa fela so kona kuba sona haiba ubata kupanga buiketelo. Ki fo he cwale.

¹¹³ “Ka Moya ulimuñwi,” cwale, Makorinte Bapili 12. Kana lukene cwani mwa Mubili wani?

“Ka kuswalana mwa mazoho nji?” Batili, sha. “Ka kuikopanya kwa keleke nji?” Batili, sha. “Ki ka kukolobezwa kuwela kwa mulaho nji, kwapata? Ki ka libizo la Ndate, Mwana, ni Moya o Kenile nji? Ki Libizo la Jesu Krete? Libizo la Rose wa Sharoni, Mulilima wamwa Mukulo, Naleli ya Kakusasana ya lilungwe? Sika kaufela so bata?”

Zeo halina sa kueza ni zona. “Ki kalabo fela kwa lizwalo lelinde ku Mulimu.” Mi ibo lwa kanana, ni kunyema, ni kuomana, ni kuikaba, ni kuñala. Zeo ki zende. “Kono yeo kaufela ki misebezi ye shwile.” Lu ya kwa kupetahala.

¹¹⁴ Zeo kona lika ze Ni ezize. Mukutazi na ku kolobelize. Kamba na ku kolobelize ka kutalima sifateho kwapata, kwa mulaho, kamba linako zetalu, linako zene, kamba nako iliñwi, kamba kaufela mwa na ezelize, zeo halina sa kueza ni Sona. U kolobelizwe fela mwa kopano ya keleke yeo, nihakuli cwalo, u nzo bonisa kwa keleke yani: kuli wa lumela mwa lifu, kupumbekwa, ni zuho ya Krete. Kubeya mazoho, ku folisa bakuli, zeo ki zende, kono, ki za nama kaufela, mi mubili wani uka shwa mane inge mo upilela ona cwalo. U ka shwa hape. “Cwale ha lu beyeni kwatuko lika zani kaufela, mi lufitele ku za kupetahala.”

¹¹⁵ Lu kena cwani mwa kupetahala? Zeo kona ze lu bata kuziba.

. . . Krete u *petahalize* . . .

“Mulimu u beile fahalimwa Hae bumaswe bwa luna kaufela. Na holofalezi bumaswe bwa luna, na titikezwi sibi sa luna, koto ye lu fumani kozo ka yona iwezi Yena fahalimu, ka miupa ya Hae lu folisizwe.” Wani kona Mubili o lubata kukena ku ona. Wani kona Mubili. Kiñi? Haiba u mwa Mubili wani, hauna kubona katulo, hauna kutatuba lifu. U lukuluhile kwa lifu kaufela, katulo, sibi, ni lika zeñwi kaufela, ha muli mwa Mubili wani.

¹¹⁶ “Kana ukena cwani ku Ona, mukutazi? Ka kuikopanya kwa tabernakele ye?” U latehile, niteñi. Haukoni kuikopanya, nihakuli cwalo; haluna buka ni yekana. “Kana lukena cwani ku Ona? Ka kuikopanya kwa keleke yeñwi?” Batili, sha. “Kana mukena cwani ku Ona?” Mu pepilwe ku Ona.

¹¹⁷ Makorinte Bapili 12.

Kakuli ka Moya ulimuñwi luna kaufela lu *kolobelizwe mwa mubili ulimuñwi*, . . .

¹¹⁸ Ka kolobezo ya Moya o Kenile, lu kolobelizwe mwa Mubili wani, mi lu lukuluhile kwa sibi. Mulimu ha sa mi bona nihanyinyani; Yena u bona fela Krete. Mi hamuli mwa Mubili wani, Mulimu hakoni kuatula Mubili wani. U sa U atuzi kale.

Na ngile likatlo za luna mi alumema ku yena. Mi ka tumelo, ka sishemo, lwa zamaya ni kuamuhela swalelo ya luna. Mi Moya o Kenile u lutisa mwa sebelezo hamoho ni Yena. “Mi ha lu sa zamaya kulatelela lika za lifasi, kono lu zamaya ka Moya.”

Babafilwe bupilo, Linzwi litile ku luna. Na shwile mwa sibaka sa ka. Ni ezizwe ya pila. Kina Yo fa, ne ni shwile hañwi mwa sibi ni mwa bumaswe, ni ezizwe ya pila. Tato yaka kaufela ki ku Mu sebelezo. Lilato la ka kaufela li ku Yena. Mizamao yaka kaufela ibe ka Libizo la Hae, kuli kaufela ko Ni ya, kaufela se Ni eza, Ni fa Yena kanya. Haiba Na zuma, haiba Na shuta, haiba Na bapala za mbola, haiba—haiba Ni. . . kaufela se Ni eza, Ni lukela kuba ni, “Kreste mwahali kuna,” mwa bupilo bo bucwalo, seo si ka eza kuli batu ba tabele kuba cwalo; isiñi kutoliya fela, kuseba, ni kukanana ka za likeleke za mina. Mwa utwa nji? [Kopano ili, “Amen.”—Mu.]

“Ka Moya ulimuñwi lu kolobelizwe mwa Mubili wani.” “Mi ha Ni bona Mali, Ni ka mi fitelela.”

¹¹⁹ Amuteeleze. Ha lu baleni kuya fapata nyana kulo fa, shangwe.

. . . sene si sa koni *ku petahalisa* mulapeli.

“Kakuli. . .” timana ya 2, timana ya 10.

Kabesi cwalo hanili matabelo ka ba tuhezwi kutahiswa?

¹²⁰ Haiba zani ne li ka petahalisa mutu. . . Mi Mulimu utokwa kupetahala. Haiba kubuluka milao, haiba kueza ka kumamela milao kaufela, ku kona ku mi petahalisa, konakuli hakuna—hakuna tuso ya kuba ni sika kaufela; mu ezizwe kale baba petehile. Kakuli, ha uli ya petehile, u wa Kuyakuile. Kakuli, Mulimu ki Yena fela anosi wa Kuyakuile, mi Mulimu ki Yena fela anosi ya petehile. Mi nzila inosi fela yemukona kuba ba Kuyakuile ka yona, ki kuba siemba sa Mulimu. [Hakuna manzwi fa tepu—Mu.]

. . . *habase ba kenisizwe. . . ha ba sa na maikuto a sibi.*

Sikamañi? “Mulapeli ha sa kenisizwe, kuli asike aba ni *lizwalo* hape. . .” Haiba mu ñola toloko ya seo, ki “takazo.”

. . . *mulapeli* ha sa *kenisizwe. . . hasana takazo* ni hanyinyani ya sibi.

. . . *haiba mulapeli ya sa kenisizwe. . .*

¹²¹ U ka kambama cwani ni kubulela kuli, “Oh, haleluya, Ne ni pilisizwe busihu bwa maabani. Kono, kihande, ku lumbwe Mulimu, ki *musali* ya ni tiselize kuwa. Haleluya, zazi leliñwi Ni ka piliswa hape.” Wena mubotana tuwe ya si ka ituta wa sitimbi. Cwalo ha ki cona mo kuinezi.

122 “Mulapeli ha sa kenisizwe hasana lizwalo la sibi ni hanyinyani,” Bibebe ibulezi cwalo. Muteeleze, halunze lu bala fapata, ka muzuzu fela.

Kono mwa litabelo zeo . . . ku sa na ni kupuzo ya sibi ka mwaha ni mwaha.

123 Cwale lu ka tuluka, kuli lufite fa timana ya 8, kuli lu buluke nako, ni ko Ni bata kufita teñi.

Fahalimu hana bulezi kuli, Sitabelo ni linubu ni linubu za kucisa . . . kakuli ha u tabeli sibi, kamba niheba kuba ni takazo mwateni; ze tahiswa ka mulao;

124 Timana ya 9.

Mi ki ha li, Bona, Ni tezi ku to eza tato ya hao, Mawe Mulimu. U zwise fateni . . . u zwise . . . U zwise fateni pili, mulao, kuli akone ku tiisa za bubeli.

125 Kambe luna ni nako ya kuinelela fateni foo. Haibile fela u wa Presbyterian, kamba wa Pentekota, kamba wa Baptist, kamba wa Methodist, Hakuna sa kona kuesa ni wena. Una ni ku lwala nto yeo mwahala musipili kaufela, pili, mwabona, kuli Akone ku tiisa ze tatama. Haibile fela u bulela kuli, “Kihande, Ni mu Methodist.” Ah, hakuna se ni nyaza ka ba Methodist, kamba ba Baptist, kamba ba Pentekota. Kono, muzwale, zeo hali—zeo hali bilaezi. Mu lukela kufitela ku za kupetahala, mwani ki ku Kreste.

126 Amutalime se cwale, fa muzuzu fela.

Ka zona . . . lu keniswa ka ka sitabelo sa mubili wa Jesu Kreste hañwi kwa batu kamukana.

127 Huh? Ha lu baleni kuya fa pata nyana, ni kuswalelela sani. Seo ha si nwele mwahali halunze lu bala, “Hañwi kwa batu kamukana.”

Mi muprisita kaufela yana yema zazi ni zazi inza sebeza za sitabelo se si swana, a sa koni kutakula sibi:

Kono mutu yo, . . .

Mu itukisize? Sifuba sa mina si kwaluhile cwale, ili kuli lisike za zwa mwateni, li ka kena hande mwa pili nji cwani? “Kono Muuna yo.” Muuna mañi? Isiñi pope wa Rome, isiñi bishopu wa keleke ya Methodist, kamba keleke isili fela.

Kono muuna yo, Kreste, amano fa sitabelo sa sibi ko ku safeli, a yo ina kwa lizoho la bulyo la Mulimu;

Kuzwa cwale ulibelezi kufitela lila za hae liba fa hatela mahutu a sipula sa hae.

Mutalimele. Ki yo wa taha.

Kakuli ka sitabelo silisiñwi u p-e-t-a-h-a-l-i-z-e, u petahalize. . .

“Kufitela ancafazo yetatama”? Kana sani si bulela cwani?

. . . u petahalize kuyakuile bona ba ba kenisizwe.

Kana mwa utwa? “Halu fiteleni ku za kupetahala.”

¹²⁸ Cwale mina sicaba sa ba holiness muli, “Oh, eehe, lwa lumela mwa kukena. Haleluya! Lwa lumela mwa kukeniswa.” Kono musweli ku ikungela za mina. Mu tuhela fela *se* ni kutuhela *sani*. Mu ziba kuli ha mu lukeli kueza cwalo.

Kwanda kuli Kreste a kwalule sikwalo ni ku litisa kwa bupilo mwa lipilo za mina, mi mufetuha sibaka mo ku shwezi sibi, ni takazo, kaufela iicongile. Mi, U zwise mwateni kuluka kwa mina bañi, Wakona ku itomahanya Iliye ku mina. “Mi ki Kreste, yena Mwana Mulimu, ku mina, ili sepo ya Kanya.”

. . . ha lu fiteleni ku za kupetahala;

¹²⁹ Lukona cwani kuba baba petehile? Ka lifu la Kreste. Ha ki ka kuikopanya kwa keleke. Ha ki ka misebezi yeminde, ye lu eza. Zeo kaufela li iketile. Isi kuli ne lu kolobelizwe ka nzila *ye* kamba nzila *yani*. Isi kuli lu folisizwe, ka kubewa mazoho. Isi kuli ki bakeñisa lika zeñwi ze, “Lwa lumela mwa lifu, kupumbekwa, ni zuho.”

¹³⁰ Paulusi naize, “Niha ni ka bulela ka malimi a batu ni a Mangeloi,” yeo ki mishobo ya malimi a konahala ku utwiwa ni a sa konwi ku utwahala, ana ni kutolokiwa, “Ha ni sesiñwi. Ni ha Ni na ni mpo ya zibo mi ni utwisisa butali kaufela bwa Mulimu,” kuli mane nikona kutatulula Bibeke, kuzwa . . . kuitama hamoho, “Ha ni sesiñwi.” Ha lina tuso kanti za kuya kwa sikolo, nji cwani, kwatusa Bibeke nji? “Ni ha Ni kaba ni tumelo kuli Ni shimbulula malundu . . .” Mikopano ya kufolisa haitalusi nihaiba nto yekana, nji cwani? “Ha ni sesiñwi. Ni ha Ni kafa mubili waka kuli u ciswe sina sitabelo.”

¹³¹ “Oh,” ba bulela kuli, “muuna yani kiwa bulapeli.”

¹³² “Kono hakuna sa li sona,” Paulusi naize, “ha si kaba kale sesiñwi.”

¹³³ “Kakuli niha ku na ni malimi, aka feliswa; kokuna ni bupolofita, aka feliswa; kokuna ni lika zeñwi ze kaufela, lika fela. Kono cwale se si petehile ha si ka taha, sesili kwa siemba sesiñwi si ka feliswa.” Mwabona, kwani “kupetahala.” Ki sikamañi se si petehile? Lilato. Lilato ki sikamañi? Mulimu. “Ha lu beyeni katuko misebezi yeshwile kaufela ni milao, mi lu fitele ku za kupetahala.” Mwa bona nji? Lu petahaliswa ku Kreste. Lukela cwani ku Lona? Ka kolobezo ya Moya o Kenile.

¹³⁴ “Ku lukile, ki sikamañi se si ezahala?” U zwile kwa lifu kukena mwa Bupilo.

¹³⁵ “Kihande, kana Na njanjanga, kutulaka, kueza cwalo?” Ha—ha kuna, so lukela kueza. U ezize kale zeo, Mulimu u ku zusize kwa lifu kukena mwa Bupilo, mi wa pila. Mi muselo wa bupilo bwa hao u ka boniswa.

¹³⁶ Buñata bwa mina ba Methodist ni ba Nazarene ne mu huwaka katata luli mo ne mu konela, ku uzwa mbonyi mwa sibaka sa mutu, yeo ki niti, mwa eza lika kaufela ze ne mu ka eza.

¹³⁷ Buñata bwa mina ba Pentekota mu bulezi ka malimi, sina ya sela lituhu fa mukata wa komu, luli, mwa zwela kwande ni ku yo mata mata ni musala mutu, kueza lika za mifuta kaufela. Ha Ki cwalo, muzwale.

¹³⁸ Musike mwa lika kuba ni maikuto afi kaufela aku yolisa mwa sibaka sa Moya o Kenile. Mi Kupepwa sinca ha kutaha, mwa cinciwa. Ha mu lukeli kueza sika kaufela kuli mu bonise zeo. Bupilo bwa hao bwa bonisa cwalo, ha unzo zamaya. U ba lilato, kozo, pilutelele, buishuwi, musa, tibebele. Seo kona se muli sona, mi lifasi kaufela libona ponahazo ya Jesu Kreste ku mina.

¹³⁹ Cwale, kubulela ka malimi, kuhuwa mwahali mo, zo ki maikuto fela alatelela mufuta wa Bupilo boo.

Mi mwakona kunga, ni ku likanyisa maikuto ani, mi hamuna Bupilo bwani. Lwa li bona. Ki ba bakai baba ziba kuli yeo ki niti? [Kopano ili, "Amen."—Mu.] Luli, mueza cwalo. Kaniti mu ka eza cwalo. Mawi! Mwa libona ha li mibeile mwahali.

¹⁴⁰ Kacwalo, hakuna se mu kona kubulela kuli kona bupaki bwa Moya o Kenile, kwanda kuli bupilo bwa mina bupile. Cwale, haiba mubata kubulela ka malimi, zeo ki zende haiba mu pila bupilo bobu kona ku a yemela. Yeo ki niti. Mi haiba mubata kuhuwa, kihande, zeo ki zende. Na huwanga, nina, ni banga ya tabile linako zeñwi mane Ni palelwanga kutina makatulo aka; Ni bata kutula kuzwa ku ona. Mi zeo ki zende. Na li lumela.

¹⁴¹ Ni boni lipono, ni bakula ha ba foliswa, bafu ha ba zuswa. Hane ba lobezi fani mi ma dokota inge ba fitelela fela ni kubulela kuli, "Ba felile ba icongile," ba lobezi fani lihola hola; mi Moya o Kenile wa taha fafasi ku to bonisa pono, wa yo zusa mutu yani hape. Ni boni bo shushu, limumu, ni libofu, ni lihole, ha li zamaya. Sani hasina . . . Ao ki maikuto fela.

¹⁴² Muzwale, nako ya kale kafoo, mane lifasi li si ka eziwa kale ni mutomo ku lona; Mulimu ka kufitela mwa sishemo sa Hae sa Kuyakuile, A talima fafasi, nika zibo A bona mina ni Na. Na zibile lusika mo ne luka pila kulona. Na zibile se ne lukaba sona. Kabakaleo, ka kuketa, Na luketile ku si kaba kale mutomo wa lifasi, kuba ni Yena kusina litiba.

¹⁴³ Cwale, haiba Na lu ketile kusikaba kale mutomo wa lifasi kuli lube ku Yena lusina litiba, mi lu pepilwe ni litiba zeñata kaufela, mi hakuna se sikona . . . hakuna se si kona ku lukenisa, kana lukaba cwani baba sina—lu kaba cwani baba sina litiba? "Na lumile Mwana Hae wa libanda, kuli yo kaufela ya lumela ku Yena asike aba ni mafelelezo a bupilo, kono abe ni Bupilo Bobusafeli; asike a shwa, kono abe ni Bupilo Bobusafeli." Mi cwale ha lu taha ku Yena, ka tumelo, lu pilisizwe ka sishemo, ka Moya o Kenile o lu biza.

144 Ku sikaba kale mubili fa lifasi le, mibili ya mina ne ilobezi teñi fa. I bupilwe kwa kalsiamu, potashi, mukamo, liseli la kozimiki—kozimiki, ni mafula a petroliamu, ni zeñwi cwalo, likalulo ze lishumi ni ze silezi. Mi Moya o Kenile wa kala ku bubamela fahalimwa lifasi, “kuapesa.” Mi ha ne U eize cwalo, taba yapili mwa ziba, se kutaha palisa ya Paseka. Mi ki Ha bubamela fa bucwani, ni linyunywani zeñwi, mi kasamulaho nyana, mutu a taha.

145 Cwale, Na si ka bupa musali kuzwa mwa liluli. Yena nali kale mutu, ka kukala; muuna ni musali ki alimuñwi. Kacwalo A zwise kwa makupo a Adama, likup, ni kubupa musali, mutusi wa hae. Mi kipeto sibi sa taha mwateni. Mi kasamulaho wa sibi kukena mwateni. . .

146 Mulimu haana ku komiwa, hakuna taba kamba kuezahala sikamañi. Haana ku komiwa. Mi, basali ba kala kutisa baana mwa lifasi. Mi Mulimu, ka sishemo sa Kuyakuile, abona ya na ka piliswa, mi A mi biza. “Hakuna mutu ya kona kutaha ku Na, konji kuli Ndate A mubize, pili.” “Ha ki ya lata, kamba ya mata, kono ki Mulimu ya bonisa sishemo.”

147 Mu li, “Kihande, Ni batile Mulimu. Ni batile Mulimu.” Batili, mwa li kuba. Mulimu ki yena ya mi batile. Cwalo kona mo ne kuinezi kwa simuluho.

148 Ne si Adama yana bulela kuli, “O Ndate, Ndate, Ni ezize sibi. U Kai kana?”

149 Neli Ndate yana bulela kuli, “O Adama, Adama, u inzi kai?” Sani kona sibupiwa sa mutu. Kwani kona kuikataza kwa mutu. Kona mwa bupezwi ona cwalo.

150 “Mi hakuna mutu yakona kutaha ni Na konji kuli Ndate a mu bize. Mi kaufela ba Ni file Ndate. . .” Haleluya! “Kaufela baba taha, Ni ka ba fa Bupilo Bobusafeli, mi Ni ka ba zusa ka lizazi la mafelelezo.” Ha ki mbuyoti ni yeo, ha ki sepiso ye fuyozwi ni yeo, ya Mulimu wa Lihalimu! Ko lufita busihu boo, kafoo, “Na konkile ka Yena.” Hakuna yomutuna. U konkile ka mutu yomutuna ku wena. Nekusina usili yomutuna, kacwalo Mulimu a konkile ka Yena. Lu ya lukene ku zona, mwa Na li ezelize ha Na li ezize; ni ku ikonka ka Yena, kuli Akone ku lu zusa ni ku lueza buswa bwa Hae Luli.

151 Oh, mo lu kona kuyemela ka kutiya ni ka kupetahala, kakusasana cwana! Mo mu kona kutalimela, haiba lifu li mi talimezi mwa pata, ne muka bulela sina Paulusi kuli, “Lifu, buhazo bwa hao bukai? Libita, ikai tulo ya hao? Kono tumbo ibe ku Mulimu, Ya lufa tulo ka Mulena luna Jesu Kreste.” Kifo he cwale. Kiñi?

152 “Oh, mu ezize sa *kuli-ni-kuli*.”

153 “Na ziba cwalo, kono Ni apesizwe ka Mali a Hae.” Haleluya!

154 “Ka Moya ulimumu, kaufela lu kolobelizwe mwa Mubili ulimumu.” Mina ba Methodist, ba Baptist, ba Presbyterian, kaufela semuli sona, lu kolobelizwe mwa Mubili ulimumu. Luna ni kutwano, mi lu batu ba Mubuso wa Mulimu, lubulela, kuli, “Ha lu ba lifasi le.”

155 Musizana waka yomunyinyani na tile, zazi leliñwi, ali, “Tate, musizana nyana yo u ezize sa *kuli-ni-kuli*. Mi u ezize sa *kuli-ni-kuli*. Ne luile kwa ndu. A yo eza sa *kuli-ni-kuli*.” Se nili . . . Ali, “Kiñi ha lu saezi zeo?”

156 Se nili, “Mulatiwa, ha lu ba lifasi lani. Ba pila mwa lifasi ka bona banosi.”

157 Ali, “Hanili kaufela lu zamaya fa mubu o swana?”

158 Se nili, “Ba lifasi, mulatiwa. Ha lu ba sicaba sani.”

159 Biblele ibulezi kuli, “Amuzwe ku bona, mu kauhane, kubulela Mulimu.” Mwabona, ha mu ba zeo. Mi cwale Sibupeho sesinca sani ha si taha ku mina, ha mu lukeli kuhohelwa kwande. Ha mu tabeli ku kutela mwa mulaho, inge musala Lota. Mu pepilwe fela, kuzwa ku zona. Mi muinzi mwa sibaka sesiñwi. Mi seo si bonahala masila ku mina.

Mi yena, yomutuna, yomunde hahulu ya zibahala wa America ye lupila ku yona, se ibile sinyeho yetuna yateni. Lika kaufela ki takazo ni basali. Mi basali mo ba tinela, baana ka mukwa oba eza ka ona, ni—ni lika ze ba sweli kueza, mi ni kuipiza ili bona kuli, “Bakreste.”

160 Ka mutala, yo Elvis Presley, uyo ikopanya kwa keleke ya Pentekota cwale. Kakuli, kwani kona ko . . . Judasi na amuhezi liemba ze mashumi amalalu za silivera. Elvis ufumani limota zeñata za ma Cadillac, mi ni—mi ni madollar a likani a ma milioni, ka kulekisa tukelo ya kupepwa kwa hae. Arthur Godfrey. Mutalimele ku zeo.

161 Amutalime kwanu ku Jimmy Osborne mwa Louisville, kwande kwanu ni lipina za boogie-woogie, rock-ni-roll, ni litaba zeñozwi za kale za masila. Mi la Sunda kakusasana, unga Biblele ni kuyema fa katala ni ku kutaza. Ha ki maswabisa ni ao!

Ki kabakaleo Biblele ibulezi kuli, “Tafule kaufela itezi fela mataza.” Kiñi, lu pila mwa lizazi le litata!

162 Mi sicaba sili, “Oh, ki ba bulapeli luli.” Oh! Kana ha mu zibi kuli diabulosi ki wa bulapeli? Kikuli ha mu zibi kuli Kaine neli wa bulapeli luli sina mwana bezi Abele? Kono, na sina Sinulo. Kona cwalo. Na sina Sinulo.

Ehe, kaufela lwa yanga kwa keleke, kono kuna ni babañwi babana ni Bupilo, bani ki bona babana ni Sinulo ya Jesu Krete mwa lipilu za bona. Ha ki ka kunjanja, kutula, ha ki ka kuikopanya mwa keleke. Kono, ki Sinulo, Mulimu u Mu patuluzi.

163 Mutalime se si bulezwi, “Batu ba li ki Na mañi, na nili Mwana, mutu?”

164 “Babañwi ba bulezi U ‘mupolofita.’ Mi babañwi ba li ki Wena ‘Elias.’ Mi babañwi . . .”

Ali, “Kono mina muli ki na mañi?”

165 Pitrosi naize, “Ki wena Kreste, Mwana Mulimu ya pila.” Zani ne li sa zwi mwa mulomo wa hae.

166 Mi ali, “U fuyozwi wena, Simoni, mwana Jonasi, kakuli nama ni mali ha li si ka ku patululela seo. Ha u si ka ituta zona mwa—mwa litoto zeñwi za Bibebe, kamba mukopano usili wa za bulapeli. U fuyozwi wena, kakuli nama ni mali ha ki zona ze ku patululezi se ku wena. Kono ki Ndate ya mwa Lihalimu ya ku patululezi zona. Mi fahalimwa licwe leo Ni ka yaha Keleke ya Ka, mi minyako ya lihele haina ku I koma.”

167 Haiba u Mukreste, kakusana cwana, kakuli mu ba siemba sa keleke, mu latehile. Haiba u Mukreste kakuli u zwile kwa sibi kukena mwa Bupilo, u lukuluhile kwa katulo; ukeni ku Kreste, u taha mwa kupetahala ka nako kaufela. Mulimu hakoni kubona nto iliñwi. Mu li, “Kihande, kikuli Ni ka ba fateni ni mafosisa nji?” Luli, kono hauna kuezwa ka kulata.

168 Cwale lwa kena ku zona, ka mizuzu fela ye likani, “Kakuli ya eza sibi ka boomu kasumulaho amano amuhela zibo ya Niti, ha ku sana sitabelo sa sibi hape.” Lu ka fita ku zeo busihu boo, kakuli se li busihu nyana cwale.

169 Ha lu baleni fela litimana nyana zateni, kuli lukone kuikutwa hape hanze lu shetumuka fafasi nyana. Ku lukile. Kihande, lu ka kalisa hape ona mwa busihu bo, fa timana ya 4. Amuteezeze ku se.

Kakuli ha ku konahali kuli bona babane ba boniselizwe, mi baezwa . . . mi baeza ba . . . mi ba tatubile kwa mata, a limpo za lihalimu, mi ba ezizwe bo muca sanda sa Moya o Kenile,

Mi . . . ba tatubile linzwi lelinde la Mulimu, ni mata a lifasi le li taha,

Bona bao haba ka wa, kuli ba ncaafazwe . . . kwa kubaka; . . .

Mwabona? Mi lunga sani mwa Maheberu 10, ni kukuta kutela, ili kubonisa seo se sili sona.

170 Balikani, “Ha lu yeni kwa kupetahala.” Luna ni . . . ha lu . . . Haluna bunyazo kacenu. Ha luna buinyazo, ni hanyinyani. Mulimu wa Lihalimu u bonahalile mwa mazazi a maungulo a mi u eza lika ze swana luli za Na ezize linako zani, ha Na li fa sapili, fani ha Na li fa lifasi. Na bonisize, halunze lutaha mwa Bibebe ye. Mi mina—mina, sitopa, muzibe se, kuli lungile makazo ka makazo, ni sisupo ka sisupo, mi ze komokisa ka ze komokisa,

za Na ezize ni bana mwa lihalaupa, lika ni lisupo za Na ezize; lika za Na ezize ha Na li fa lifasi fa, na i ponahalize mwa nama; mi ni zona lika zeswana luli ze ezahala kacenu, ona mwahala luna mo. Ki le fa Linzwi la ku li paka. Ki se sika sa ku libulela kuli si lukile, kuli li be hande. Ki wo Moya wa Mulimu wa kueza lika zeswana, kacwalo haluna buinyazo.

Ha lu lapeleni.

¹⁷¹ Ndate yakwa Lihalimu! Ka kubona kuli lu potolohilwe ka lilu lelituna cwana la lipaki, ha lu beyeni kwatuko linzwi kaufela, lika kaufela, bumaswe kaufela, linzwi le li maswe kaufela, linzwi leli bulezwi kaufela le li maswe, muhupule kaufela, “mi ha lu mateni ka tibeledo mwa takano ye tomilwe fapila luna, lunze lu talimile ku mukalisi ni mufezi wa tumelo ya luna, yena Mulena Jesu Krete.” O kufuyolwe Libizo la Hae le li sa likanyiswi mi le li kenile! Ka mwa Na tezi mwa lifasi ku to pulusa mutu ya wile, ni ku ba kutiseza mwa kutwano ya Mulena Mulimu. Mi lwa itumela ku Wena ka se. Mi cwale ka sishemo sa Hae. . . Lwali kuba lu Mu kete, kono ki Yena ya lukitile. Na ize, “Ha ki mina mu Ni ketile, kono kina ni mi ketile.” Lili? “Kusikaba kale mutomo wa lifasi.”

¹⁷² Mi, Mulimu yomunde, haiba kuna ni baba liteni mo kakusasana cwana, mwendi baba hanile nto ye ka myaha ni nyaha, kono ka tundamo kuna ni ku ngogota fa pilu. Mwendi ba ikopanyize kwa keleke, ka kunahana kuli, “Kihande, ikaba fela hande.” Ndate, luli, Mañolo a tolokile zeo kakusasana wo: kuli hamukoni kuipata mwa keleke, ni kuba ya lukile; kamba nihaiba kuba yomunde, ha ki ku puma ni ku uzwa ni kueza sika kaufela se si fosahalile, niteñi nikuba ya lukile.

¹⁷³ Kuna ni fela kuluka kulikuñwi ko lunani, ha ki kwa luna bañi, kono ki kuluka kwa Hae. U petahalize kupiliswa kwa luna. Kabakaleo, ka kuba ku Yena, Mulimu ha boni mafosisa a luna. Ha lueza sika se si fosahalile, kuna ni moya o huwa mwahala luna kuli, “O Ndate, u ni swalele!” Mi kipeto Mulimu ha sa libona. Mi ki, lu tiswa mwa kutwano ni sishemo ni Yena. Lumeleza cwalo, Mulena, halunze lu kwala sebelezo ye, ka Libizo la Krete. Amen.

¹⁷⁴ Fa nako fela, Ni tabela ku mi buza. Hakuna taba ka so eza, u latehile. Teeleza ku se. Nako yeñwi yefitile. . . Hakuna ni kile na bulela taba ye fateni. Ki ye kutwisiso ye likani yene ezahalile kuna.

¹⁷⁵ Ne nili kwa—kwa Toledo, Ohio. Ne nili mwa ancafazo mi—mi inge ni na ni mukopano kulo kwani ni batu babañata hahulu. Ne ba ziba mahotela mo ne Ni pila; kacwalo ba ni isa mwa matakanyani ani. Ne ni pila kwani, mwa hotela nyana ye nyinyani.

¹⁷⁶ Ne lusweli kucela kwa sibaka sa lico nyana sa Dunkard. Neli sibaka sesinde, likabe zenyinyani kwani, ne ba bonahala fela

sina Bakreste mi baba kenile mo ne ba kona kubela, ba makete mi babande luli. La Sunda la taha, Na utwa tala. Ne ni nze ni itima lico fa nako nyana. Mi Na bata kuya mwabuse kutula mukwakwa omuñwi, ku yo leka lico nyana. Kwa mukwakwa nyana onoli bukaufi ni lilulu, mi nekuna ni fela za kamita, ze zibahala, sibaka sa ma American, kwa kucela. Se si nyinyani, nekuna ni sibaka nyana, se si iketile, sene si kwaluha busihu kaufela. Hane Ni yo kena mwani la Sunda lani, mwendi ka tu kiloko ya musihali, ni si kaya kale ku yo kutaza musihali wani, Ne ni ngilwe hahulu, Ne ni sa zibi sa kueza.

¹⁷⁷ Na kena mwahali, mi nto ya pili yene Ni lemuhile neli kalibe yomunyinyani mwendi wa myaha ye lishumi ka yesilezi, ye lishumi ka ye ketalizoho ni yemilalu ya kupepwa, mwana yalatwa ki ndatahe, mwana ya ki mahe, ali kuyema kwa mulaho kwani ni mushimani, mazoho a hae inza sweli fa linoka za hae. Sikwata sa babanca inge siinzi fa—fa tafule ya kulekiseza.

¹⁷⁸ Na utwa mushini wa kunepela mali a muwayawaya. Hani talima neku *le*, nekuna ni mupokola yana yemi kwani inza kambekile lizoho ku musali, fahalimu sina cwana, mwa teka ya musali, inge ba liza mushini wa kunepela mali a muwayawaya. Cwale, mwa ziba kuli kulaula ni papali ya mishini ya mali a muwayawaya ya haniswa mwa Ohio, mina sicaba sa Buckeye kwanu. Mi muziba kuli zeo za haniswa. Mi ki wo mulao no liteni, inge ba liza mushini wa mali a muwayawaya; mi muuna wa siyemo sa ka, nisepa na nyezi, sikwata sa banana, mwendi mane ukona kuba kuku wa bona. Wa mupokola, ya tokomelo za mikwakwa, inza sweli kuliza mushini wa mali a muwayawaya. Nekuna ni yomunca yani. . . Ki sikamañi sa ezize yomunca? Sa ezize yo ki sikamañi?

¹⁷⁹ Na yema fale. Hakuna yana ni lemuhile ha ni kena, neba patehile hahulu, licika tuna la bona ne ba kozwi. Kacwalo, Na talima. Na utwa yomuñwi yali, “Kihande, kana mu nahana kuli pula yakona kusinya miloho?” Mi na talima kafa ni kafa, mi nekuna ni kalibe yana inezi fani, kalibe ya hulile, luli. . . Nana ni mwaya ye mashumi asilezi ni a ketalizoho, mashumi asupile, bukaufi cwalo. Mi kalibe wateni. . . Ha ni nyazi mutu ka kubonahala hande kwa hae. Kono cwale kalibe yani. . . Na icoletile luli, a eza milili ya hae mubala wa ndilu, abonahala fela bundilu. Ni milili ye kutilwe, fahalimu toho, ni ku lamba bu ndilu luli. Mi na itombwekile mipende ka buñata kwa manala, kamba mubiza cwani lika ze lambiwanga kwa lifateho zani, ni mindoli-ndili yemituna. Mi na tinile kaputula kakanyinyani maswe, mi mama wateni na tezi fela mañonde mane nama ya mubili, ha ilepelela, fela mwatasi kwa linumbu za hae *cwalo*. Mi na kozwi. Nainzi fani ni muuna muhulu, mi neli mwa nako ya mbumbi, inza apezi yeñwi ya kale, ya makoti a mubala o museta wani, kamba bundilu bo bu tibile. Inge si lepelela fafasi *cwalo*,

ni lisila lelituna la mwa mulala. U kozwi, bababeli ba bona, mi nebali ni yena musali ya zielehile yoo.

¹⁸⁰ Na yema fani ni kutalima talima. Se nili, “Mulimu, kana Ukona cwani ku li yemela ze? Sikamañi—sikamañi. . . Kana U talimela cwani lika ze cwana ze? Kanti, si nieza kuba, muezalibi ya pilisizwe ka sishemo, munahane cwalo, kana kukonahala cwani—kana kukonahala cwani kuli U talimele zeo? Kiñi, li bonahala kuli No ka pancisa sika sateni ku si kwalula. Kikuli Rebekah waka yomunyinyani ni Sarah ba kaba hulela mwatasa susumezo ye cwana? Kikuli basizana baka bababeli baba nyinyani ba ka kopana ni—ni libubo, la kuzibahala hahulu cwana, lifasi mo liinezi kacenu, ko kuna ni batu baba eza likezo ze cwana? Mulimu, kana Ni ka kona cwani nikamuta. . . ki sikamañi se Ni ka eza?”

Kakuli, ki sishemo sa Hae. Haiba ne ba lelezwi kutaha kwa Bupilo Bobusafeli, ba ka taha kubona. Haiba ne ba si ka lemuhelwa kubona, ki mo ba ka shwela. Ha ni zibi. Zeo liitingile ku Mulimu. Ni ka eza siemba sa ka.

¹⁸¹ Na hupula kuli, “U kona cwani Ku liyemela, Mulimu? Ku bonahala kuli U ya kenile hahulu kuli U ka fefula fela nto yani kuzwa mwa lifasi.” Se nili, “Talimela kuku wa musali ya inzi fani. Talimela musizana yomunyinyani yani kwa mulahi kafani. Mi fa ki yo musali ya yemi fa, nisepa wa myaha ye mashumi amabeli ka aketalizoho ya kupepwa. Mi mupokola yani ni mazoho a hae inza lambezi teka ya musizana, basweli kuliza lipina fa mushini wa mali a muwayawaya. Mi ki *wani* fani mulao; naha i sinyehile. *Ki bwani* fani busali bu sinyehile. *Kiyo* fa yomuhulu ya sinyehile. Mi *fani* ki yani musizana wa mwanana yainezi kwa mulaho kwani, mi u sinyehile. Talimela bashimani, kanti ba lukela kuba mwa keleke kamba kulo kusili.”

¹⁸² Se nili, “O Mulimu, ki sikamañi se Ni kona kueza? Mi ki Na yo mwa muleneñi woo, na lila ka pilu yaka kaufela, mi ha ba liisezi ngana inge kuli nebali. . .” Na hupula kuli, “Kihande, Mulimu?”

¹⁸³ Kihande, mi muhupulo wa taha wa kuli, “Haiba ha Ni si ka ba biza, bakona kutaha cwani? Kaufela ba Ni file Ndate ba ka taha. Muna ni meto kono hamuboni, lizene kono ha mu utwi.”

¹⁸⁴ Na hupula kuli, “Kihande, haiba Mueteleli wa naha utaha mwa tolopo mwa sibaka sa ancafazo, mañi ni mañi na ka zwela teñi. Oh, luli, zani ki za lifasi.”

¹⁸⁵ Mi se Ni kala kunahana kuli, “Kihande, Mulimu, ku cwani, kiñi fela ha U sa yi, ki fo, luma Jesu mi kipeto lifele fela he kihona? Kana haki—haki ku ya fela ku yo li felisa fela, ni kulituhela li fele?”

¹⁸⁶ Mi se Ni kala kubona se si zamaya fapata kuna. Ne si bonahala inge kakundukundu nyana kene ka pikuluha sina *cwana*. Na zwelapili fela kutalimela. Na bona lifasi inge lifetuha

ni kufetuha. Na li talimela, ni ko ne lisweli kuhasaka nto yeñwi cwalo. Na talimela, mi neli kuhasaka lika ze fubelu, Mali amafubelu telee, kai ni kai, mwahala lifasi; mane inge kakundukundu kaka pikuluha, sina sibupiwa sa lilu cwalo, mi nesina ni kakundukundu inge ka pikuluha sina *cwana*. Mi Na talimela kakundukundu ka. Mi fahalimwa kona fela, Na bona Jesu mwa pono. Na sweli kutalimela fafasi. Mi Na ipona inge ni yemi fa lifasi fa, inge ni eza lika ze Ni sa lukeli kueza. Mi nako kaufela ha Ne ni eza sibi, Mulimu na ka ni bulaya, “Kakuli, zazi le muka ca ku yona, kona zali le mu ka shwa.” Mi kukena kwa Mulimu ni kuluka kutokwa zeo, mi ne muka shwa. Mi cwale Na talimela kwani. Na swalelela ku itiinya mwa meto. Se nili, “Ha ni . . . Ne ni si ka lobala. Ni . . . Ki pono. Ni sepa hande kuli ye ki pono.”

¹⁸⁷ Na zwelapili kubuha, hane Ni yemi kwa mulaho wa sikwalo. Mi Na bona libi za ka ha li pahama. Mi nako kaufela hane li ka fita kwa Lubona, Mali a Hae na swana sina sibaekiso kwa mota. Na li swala, mi Ne ni Abona a njanja, mi Mali na buba kwa sifateho sa Hae. Mi Na Mu bona a nanula mazoho a Hae, mi ali, “Ndate, mu swalele, ha zibi sa eza.”

¹⁸⁸ Na ipona inge ni eza nto isili, ya Mu nyunga hape, ku ngungula fateni. Ne a kaba, Mulimu na ka ni bulaya ona fani, kono Mali a Hae na sweli ku ni swala. Na sweli kubuluka libi za ka. Na hupula kuli, “O Mulimu, kana Ni ezize sani? Kaniti ne si na.” Kono neli na.

¹⁸⁹ Mi se Ni ya inge ni zamaya sina *cwana*, inge kuli Ni kena mwa muzuzu wani, mi Na ya bukaufi ku Yena. Na bona buka yene beilwe fani, neina ni libizo laka ku yona, ni mifuta kaufela ya litaku zensu yene ñozwi ku yona. Se nili, “Mulena, Ni swabile Ni ezize se. Kana ki libi zaka ze Ku tiselize kueza cwalo? Kana Ni hasakile Mali a Hao mwa lifasi kaufela? Kana Ni—kana Ni ezize se ku Wena, Mulena? Ni swabile hahulu kuli Ni ezize cwana.” Mi A ni sutelela. Se nili, “Kana Wa ni swalela? Ne ni sa bati kueza cwalo. Nika . . . Wena, ka sishemo sa Hao, Ni ka lika kuba mushimani yomunde haiba fela Uka ni tusa.”

¹⁹⁰ Anga lizoho la Hae ni nata kwa makupo a Hae, anga munwana wa Hae ni kuñola kuli “swalelo” fa buka yaka; ainepela kwa mulaho wa Hae, mwa Nuka ya Kulibala. Na italima fa nako nyana. Mi ki Hali, “Cwale, Na kuswalelela, kono u bata ku munyaza.” Mwabona? Ali, “U swalezwi, kono kucwani ka yena? U bata ku mu pancisa. No sa lati kuli apile.”

¹⁹¹ Na hupula kuli, “O Mulimu, ni swalele. Ne ni sa bati kunahana cwalo. Ne ni sa bati kueza cwalo. Ne—Ne—Ne ni sa bati kueza cwalo.”

¹⁹² “U swalezwi. U ikutwa hande. Kono kucwani ka yena? U tokwa cwalo, niyena. U tokwa cwalo.”

193 “Kihande,” Na hupula kuli, “Mulimu, ni kona kuziba cwani be U bizize, ni be U si ka biza?” Ki musebezi waka kubulela ku mañi ni mañi.

194 Kacwalo, mi pono ha i ni siya, Na ya ku yena. Se nili, “Lu mela, kalibe?” Mi baana bababeli bani nese ba ile mwa muzuzu wa kulobala. Mi seba . . . Na inzi fani, inge anjikula, mwa ziba, ku ikashaula. Botela ya kachasu yali kuluma fa tafule, kamba bucwala, ne ili, bucwalo bone buinzi mwateni, bone ba sweli kunwa. Na sutelela ku yena. Se nili, “Lu mela?”

Mi ki hali, “Oh, ni iketile.”

Mi se Nili, “Kana Na kona kuina?”

Mi ali, “Oh, Ni na ni zamaya ni batu.”

Se nili, “Ha ni talusi ka nzila yeo, kezeli.”

Ani talimela a Ni mubiza kuli “kezeli.” Ki hali, “U bata sikamañi?”

Se nili, “Kana Na kona kuina fafasi fa muzuzu fela?”

Mi ali, “I katuluse.” Mi se Ni ina fafasi.

Na mu bulelela sene si ezahalile. Ki hali, “Ki wena mañi libizo?”

Mi Na li, “Branham.”

Ki hali, “Kana ki wena muuna yaliteni mwa sibaka se?”

Se nili, “Eeni, ima.”

195 Ki hali, “Ni bile ni bata kuli nitahe kulo kwani.” Mi ali, “Bo Branham, Ne ni hulezi mwa lubasi lwa Bukreste.” Ki hali, “Nina ni basizana bababeli babanyinyani ba Kabreste. Kono fela, fela lika zeñwi liezahalile,” mi akena mwa nzila ye maswe, kamba akalisa.

196 Se nili, “Kono, kezeli, Hanina taba, Mali a sa kubeile mwahali. Lifasi le li apesizwe ka Mali.” Kambe Ha si ka kwahela, Mulimu na ka lu bulaya, mañi ni mañi. Yena . . . Mi Mali ani a ka zwiswa, ulibebele katulo. Kono cwale, haiba u shwa kusina Mali ani, u ya kwabuse bwa sibaka sani, konakuli hakuna se si ka yo kuyemela. Kacenu Mali a yema mwa sibaka sa hao. Se nili, “Kalibe, luli, Mali a ka kubeile mwahali. Haibile fela u sa na ni bupilo bwa mubili wa hao, Mali aku beile mwahali. Kono zazi leliñwi kubuyela ha ku ka zwa mo, moyo u ya kwande, u ka ya kwabuse bwa Mali ani, mi hakusana sika kwanda katulo. Ha u sa na ni kolo ya swalelo . . .” Mi Na muswala kwa lizoho.

197 Na sweli kulila, ali, “Bo Branham, Ni sweli kunwa.”

198 Se nili, “Zeo ha li bilaezi. Sesiñwi, yomuñwi u ni lemusize kuli ni to ku bulelela.” Se nili, “Mulimu, kusikaba kale mutomo wa lifasi, na ku bizize, kezeli. Mi usweli kufosa, mi usweli fela ku li eza ka bumaswe.”

199 Ki hali, “Kana U nahana kuli wakona ku ni amuhela?”

200 Se nili, “Kaniti, Uka ku amuhela.”

201 Kwani fa mañwele a hae, lwa kubama mwahala sibaka sani fafasi, ni kuba ni mukopano wa tapelo ya mufuta wa kale. Mupokola yani a tubula kuwani ya hae ni kukubama ka liñwele lililiñwi. Teñi lwa ba ni mukopano wa litapelo, ona mwa sibaka sani. Kiñi? Mulimu u icemezi.

“Lu beye kwatuko misebezi yeshwile ye, ha lu fiteleni ku za kupetahala.”

202 Ha lu keneni mwa sibaka sani ko lika zakuli, “Ni wa siemba sa keleke; Ni wa siemba *sani*,” zeo kaufela lifelile. Mi ha luyeni ku ze petehile.

203 Mulikana ka wa muezalibi, haiba nji hauna Mali kacenu, hauna puluso, hauna sishemo, Mali a Jesu Kreste aku sweli. U li, “Kihande, Nina ni nako ye kaufela.” Kono zazi leliñwi uka ya ko kusike kwaba se si ka kuyemela.

Halu lapeleni cwale, halunze luinamisa litoho za luna.

204 Kana kunani, kukaba, alimuñwi mo kacenu ya tabela kubulela kuli, “Mulimu u ni utwele butuku, Ni lemuha kuli Ni fosize”? Mwendu u ikopanyize kwa keleke. Zeo ki zende. Kono haiba ha u si ka amuhela sishemo sa Kreste, nanula lizoho la hao ni kubulela kuli, “Ni lapelele, kwateni, Muzwale Branham”? Mulimu aku fuyaule, muñaka. Mulimu aku fuyaule, kalibe. Seo si lukile. Musike. . . Mulimu aku fuyaule, sha, kwa mulaho kafoo. Mulimu aku fuyaule, ni wena. Kafoo kwa mulaho luli, eeni, Mulimu aku fuyaule. Nanula lizoho la hao. Seo si lukile. Nanula fela lizoho la hao mwahalimu, ni kubulela kuli, “Mulimu, u ni utwele butuku.”

205 U li, “Ni wa siemba sa keleke, Muzwale Branham. Eehe, Ni—Ni likile kuba yomunde, kono ha Ni zibi, Ni bona fela, mo ku bonahalela, Hani na kukona.” Oh, muzamai ya zielehile, mulikani ya lubehile, wa li kuba ubone pono fateni.

206 U li, “Muzwale Branham, Ni huwile. Ni bulezi ka malimi. Ni ezize se kaufela.” Zeo zakona kuba niti, ni zona. Zeo kaufela ki zende, hakuna sa kubulela kulwanisa zeo.

Kono, mulatiwa waka, mulikani ya latehile, kono, kubulela ka malimi, kamba kunjanja, kamba kuswalana mwa mazoho, kamba ku kolobezwa, zeo, kwateni kaufela ki zende. Kono, ku Mu ziba, ki ku ziba Mutu. “Ku Mu ziba kona Bupilo.”

207 U li, “Na ziba Bibebe, hande luli.” Kihande, ku ziba Bibebe, ha ki Bupilo. “Ku ziba Yena,” ki tulokandina twa mutu, “ku ziba Yena, Kreste,” kuli uziba kuli U ku swalezi.

Kana muka nanula fela mazoho a mina, hape, haiba kuna ni yomuñwi hape? Mulimu aku fuyaule, kalibe. Mulimu aku fuyaule, sha. Mulimu aku fuyaule neku le, muzwale. Mulimu aku fuyaule kwa mulaho kafoo, mutangana. Mulimu aku fuyaule

kwanu, kezeli. Mulimu aku fuyaule, kulo kwa mulaho, kafoo. Seo si lukile. “Ku ziba Yena, ki Bupilo.”

“Muzwale Branham, u ni hupule. Kina cwale, ona mwa sipula sa ka se, ni ka amuhela Kreste.”

²⁰⁸ Muli, “Taha mwa pilu yaka, Mulena Jesu, mi u fe kuna kozo yani, munati nati wani.” Muye kwa keleke, mu yo liza lipina katata luli mo mu konela, mubine kulobakeha mwahali ni fafasi, mu mata mate mwahala lipula; muye kwandu, mubilaele, mu kwena kwene, ni kuomana, yo ha ki Kreste. Mu ye kwa keleke, muine ni kuteeleza kutazo ka mo uka pentelwa mutano, kamba nto yeñwi, nto yeñwi ye cwalo, mwali kuba muutwe Linzwi. Linzwi li tisa Bupilo. Ki yona Peu. Kana ha mu bati kozo?

²⁰⁹ Kana mu bilaezwa ki kushwa? Ne muka ni butuku bwa pilu kacenu, kana zeo za mi bilaeza naa? Kamba kikuli ne mu ka nyakalalo, ku bulela kuli, “Ni ka ba ni Mulena Jesu kwa mafelelezo a nzila?” Kana wa Mu ziba? Haiba wa u mu zibi, nanula fela lizoho la hao. Lu ka ku lapelela kwateni. Eeni, muzwale, niwena, cwalo.

²¹⁰ Ku lukile, mwa pilu ya hao cwale.

Ka mo Ni nezi, kusina tuso,
Kono Mali a Hao na ni (ku mañi?) suluhezi,
Kakuli Na sepisa, Ni ka lumela,
O Ngunyana, O Ngunyana ya Mulimu, Na taha.
Na taha, kabunolo, ka musa.

Ka mo . . .

Zamaya fela kuya ku Yena, ka tumelo. U lumele kuli U yemi ona foo bukaufi ni wena. U teni.

. . . -ni libeleli
Kuli kuzwiswe mwa moyo waka (zekai cwale?)
nto iliñwi . . . (kacimacima, piluseta),
Ku Yena yo Mali a Hae akona kukenisa litiba
kaufela,
O Ngunyana . . .

²¹¹ “Ka tumelo Ni ka ya kwa sifapahano, kakusasana cwana. Ni lula mitiyo yaka fafasi. Na taha.” Mulimu aku fuyaule kwa mulaho kafoo. Kihande cwalo. [Muzwale Branham ukala kuñuñuna *Ka Mo Ni Inezi—Mu.*] Musike mwa tokwa kuiseza kwateni ngana cwale. Ka likute, ha munati, muzaye kuliba kwa sifapahano.

²¹² Mwa Testamente ya Kale, ne ba tisanga ngunyana. Ne ba zibile kuli ne ba ezize sibi, ne ba ziba cwalo ka milao. Wa ziba zeo cwale, kakuli Mulimu ubulezi kwa pilu ya hao. Ne ba talimela milao, “U si ke wa buka. U si ke wa eza sa *kuli-ni-kuli.*” Mi ne ba isanga ngunyana, ba yo beya mazoho abona fa ngunyana, muprisita upuma mumizo. Folofolo yenyinyani inge inyakaula, ni kulota mali, ni ku lila, ni kushwa. Mazoho a hae kaufela a

hasakilwe fela mali. Ngunyana ne ishwa mwa sibaka sa hae, kono na yema fani ni takazo ye swana ya ku yo kutela kueza sani hape.

²¹³ Kono mwa sibaka se, lu taha ka tumelo, ka sishemo. Mulimu u lu bizize. Lu beya mazoho a luna fa toho ya Ngunyana ya Mulimu. Lu sweli kuutwa linzwi le li bubana lani. Lwa utwa Linzwi lani, “Ni nyolezwi; amu Ni fe za kunwa. Ndate, usike wa beya bumaswe bo ku bona; ha ba zibi se ba sweli kueza.” Mwabona? Ka tumelo, lu utwa lifu la Hae fani mwa sibaka sa luna. Mwahala pilu za luna kutaha kozo, yeñata ye inelezi, foo Linzwi ha li bulela kuli, “U swalezwi cwale. Zamaya usike wa eza sibi hape.” Cwani, ka sishemo, kipeto, lwa nanuha isi ka takazo ye swana, kono ki takazo ya ku sa eza sibi hape kamba kueza se si fosahalile kaufela. kozo ye fitelela kutwisiso kaufela, ikeni mwa pilu ya luna.

Mi ha mu I amuhele cwale halunze lu lapela, mañi ni mañi, hamoho.

²¹⁴ Ndate yakwa Lihalimu, ba taha ka tumelo, kufitela mwa sishemo. Kuna ni buñata nyana bwa mazoho a nanuhile. Ki miselo ya Liñusa. Ba taha ku Wena. Ba lumela. Na ba kolwa, nina, Mulena. Na lumela cwalo, luli, Moya o Kenile u bulezi ku bona. Mi ka tumelo ba taha banze ba pahama fa manela ya Jakobo cwale, ku to fita kwa mahutu a sifapahano, teñi ba beile libi za bona kaufela, ni kubulela kuli, “Mulena, ki zeñata hahulu ku na. Ha ni sa kona fela ku li lwala ni kamuta. Mi cwale U zwise mulwalo wa ka wa sibi, mi ni ku zwise takazo ye mwa pilu yaka ya kueza cwalo? Mi u ni lumeleze, ka tumelo, lizazi le, ni Ku amuhele kuba Mupulusi wa ka. Mi kuzwa cwale, Ni ka Ku latelela mwahala nzila kaufela ni maili ya musipili wateni, kuisa kwa mafelelezo a musipili. Ni bona mubeu wa se si taluswa ku ‘ya kwa kupetahala,’ ha ki kuya kwa keleke, ni mibisi ya misebezi ye shwile sina likolobezo ni zeñwi cwalo. Kono Ni bata kuzwelapili, kufitela Ni tokwa kuba sesiñwi, mane ni Kreste apile ku na.”

²¹⁵ O Jesu, alaba kupo ifi ni ifi ya moyo o, kakusasana cwana. Mañi ni mañi ya nanuzi lizoho la hae uka amuhela Bupilo Bobusafeli kakuli U li sepisize. Ba file kamuhelo ya patalaza. Ba nanuzi mazoho a bona. Ba lwanisize milao kaufela ya bukiti. Ba konile kuswabisa sayansi kuiswabela, kakuli sayansi ibulezi kuli, “Mazoho a mina ana ni kuwela fafasi.” Sika kaufela si ka bonisa zeo mwa sayansi, kuli ainelele fafasi ona cwalo, kakuli bukiti bu ka a hohela mwatasi. Kono nekuna moya ku bona o ba konisize kuba ni kuiketelo bwani, mi ba hanyelize milao ya bukiti ni kunanula mazoho a bona. U a boni, Mulena. U beile mabizo a bona mwa Buka. “Baswalezwi.” Buka ikutezi mwa Liwate la Kulibala cwale, ha li sana ku hupulwa ni kamuta. Ha ba zamaye kwapili kacenu, sina baba lateha, Bakreste ba ba munati, ku to Ku sebelezo. Mi mwendi babañata ba ba si ka nanula mazoho a bona, u ba alabe ni bona hape.

²¹⁶ Lumeleza kuli ba bakenile ba zamaye bukaufi nyana, Mulena, kakuli lu fakaufi ni Munzi kufita mo ne lubezi maabani. A Ku be ni luna, Mulena, kakuli lu li kupa ka Libizo la Kreste ni kwa kanya ya Hae. Amen.



MAHEBERU, KAUHANYO YABUKETALIZOHO NI YABUSILEZI 1 LOZ57-0908M
(Hebrews, Chapter Five And Six 1)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda kakusasana, Muimunene 8, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org